

“Droschak”

ORGANE
de la Fédération
Révolut. Arménienne.


ԴՐՕՇԱԿ

Adresse :

Rédaction du “Droschak”

GENÈVE (Suisse)

“ՀԱՅ ՅԵՂԱՓՈԽԱԿԱՆ ԴԱՇՆԱԿՑՈՒԹԵԱՆ” ՕՐԳԱՆ



Յ Ա Յ Տ Ա Ր Ա Ր Ա Գ Ի Ր

Հ Ա Յ Յ Ե Ղ Ա Փ Ո Ւ Ա Կ Ա Ն Դ Ա Շ Ն Ա Կ Ց Ո Ւ Թ Ե Ա Ն

Ո Ղ Ղ Ղ Ղ Ղ

ԲԵՐԼԻՆԻ ԴԱՇՆԱԳԻՐԸ ՍՏՈՐԱԳՐՈՂ ՊԵՏՈՒԹԻՒՆՆԵՐԻՆ

(Թարգմանած ֆրանսերէն լեզուից)

Արդէն ազատւած Կրէտէն՝ սկսեց ապրել կանոնաւոր կեանքով:

Մի բուռն ժողովրդի հերոսական թափը մի անգամ ևս յաղթանակել տւեց արդարութեան սկզբունքը, որի դէմ դուր իջուր մաքառում էիք այնքան երկար ժամանակ:

Չնայելով ձեր բոլոր ջանքերին՝ թնդանթնների աղմուկով խեղդելու կրէտացիների հեծեծանքներն ու բողոքները, դուք վերջիվերջոյ ստիպւած եղաք զիջել տալալելով ճնշման և բարձրարժեքեան ուժերի:

Կարող ենք արդեօք յուսալ որ ձգձգման քաղաքականութեան այս վերջին անկումը իզուր չի անցնիլ ձեզ համար և որ դուք կը հրաժարուէք վերջապէս յարատե դարձնելու այդ ուժերը՝ եղեռնագործ և աղէտաբեր Թիւրքիայի բոլոր ճնշած ցեղերի և մանաւանդ հայերի համար, որոնց գաղթը ամենայն իրաւամբ պէտք է այժմ առաջնակարգ տեղ բռնի օրւայ քաղաքականութեան մէջ, քանի որ արդէն անդառնալի հերպով վճռւել է այդ դատի յետաձգելու պատճառն իրաւ կրէտական խնդիրը:

Տեղը չէ այստեղ, ո՛չ էլ ժամանակը գծելու հայկական դատի արիւնոտ պատմութիւնը բոլոր իր կսկծալից յեղձեղունքներով: Բայց և այնպէս պարտք ենք համարում յիշեցնել ձեզ, թէ հայկական տագնապը անխուսափելի հետեւանք լինելով Թիւրքիայում տիրող անիշխանական պայմանների, իր զարգացման և զանազան արտայայտութիւնների մէջ միանգամայն անկախ չէ եղել սակայն ձեր բռնած գիւրքից, — մի հանգամանք, որ այսօր ծանր պատասխանատուութիւն և բարոյական պարտաւորութիւններ է դնում ձեր վրայ հայերիս վերաբերմամբ:

Մինչդեռ յոյները կուռւմ էին իրենց անկախութեան համար և փոքր ինչ յետոյ նոյն իսկ Թիւրք կառավարութիւնը «Հատտի-Շէրիֆ»-ով հռչակում էր, թէ ոչ ոք՝ ո՛րք ան էլ ի բնէ խաղաղասէր լինի նա՝ չէ կարող չգիմել բռնի միջոցներով երբ վտանգւում են նրա կեանքն ու պատիւը, — հայերը դեռ ևս օրինականութեան զարմանալի ապացոյցներ էին տալիս, իրենց քրտինքով ու ռոգելով իրենց հայրենիքի հողը յօգուտ քիւրդերի և Թիւրք պաշտօնեաների:

Բայց ամէն համբերութիւն վերջ ունի:

Սարսափելի ու յարաճուն հարստահարութիւնները և սիստեմատիկական անապահովութիւնը այն բոլորի, ինչ վերաբերում է մարդկային արժանապատուութեան, վերջապէս հանեցին հայերին համբերութիւնից և ձգեցին նրանց յեղափոխական խռովայնով վիճակի մէջ: Ռուս-Թիւրքական պատերազմը, որ փոքր ինչ յետոյ սկսեց յանուն Թիւրքիայի քրիստոնեաների ազատութեան, եկաւ արծարծելու այդ կրակը և փութացնելու այդ շարժումը, վերջանալով Ս. Ստէֆանոյի 16-րդ և Բէրլինի 61-րդ համալուար յօդաւանդով և տեղիք տալով հայերին կարծելու, թէ նրանց համար էլ պիտի հնչէր ազատութեան ժամը:

Սակայն հետեւեալ մի քանի տարիների դառն փորձը ակնները ցոյց տւեց, թէ այդ յօդաւանդը մնում էին մեռած տառ, մինչդեռ դրութիւնը գնալով աւելի և աւելի ծանրանում էր...

Հայերին ոչինչ չէր մնում այդ պայմաններում, բայց եթէ ճակատագրապէս ոտ դնել նոյն յեղափոխական ճանապարհի վրայ, որով ընթացել էին իրենցից առաջ փաղիշակների լուծը թօթափած ազգերը:

«Արևի թափեցէք, որ ազատէք» — ահա թէ ինչ կարող էին եզրակացնել հայերը յունական, սերբական և բուլղարական հարցերի լուծման պատմութիւնից: Եւ հայ ազգը ողողեց իր հայրենիքը իր արիւնով, բայց դուք լւացիք ձեր ձեռքերը Պիղատոսի նման: Նա զոհեց ամէն ինչ ազատութեան համար և տարաւ տանջանքներ, որոնց առաջ նսեմանում են մարդկութեան տարեգրութիւնների ամէնազարհուրելի էջերը: Եւ այսօր Հայաստանը յօշոտած կարմիր սուլթանի ձեռքով՝ ընկած է այնպիսի ահաբեկի թշուառութեան մէջ, որի մասին ոչ մի բան չի կարող գաղափար տալ:

Աւելի քան 100,000 այրիներ, 50,000 որբեր և 300,000 մարտիրոսների և հերոսների սուերները կանգնած են այսօր ձեր առաջ՝ իբրև փաստաբաններ իրենց ազգային դատի...

Ժամանակը չէ՞ միթէ շտապեցնելու այն, ինչ որ ճակատագրական կերպով կատարւելու է մի օր, որովհետեւ հայերը այդքան զոհերից յետոյ չեն կարող վայր դնել իրենց զէնքը մինչև ձեռք չբերեն ուրիշ ազգերի պէս ապրելու իրաւունքը, մինչդեռ միւս կողմից պատմական անհրաժեշտութիւնը արդէն դրել է իր մահուան կնիքը սուլթանների տէրութեան վրայ:

Սարսափելի էին մեր կրած հարւածները, բայց այն

հարւածները, որոնք փշուրում են ապակին, կռում են պողպատը:

Հայ ազգը, որ դարերի ընթացքում դիմացել է այնքան ահեղ կատաստրոֆների, որ վերջին դէպքերի ընթացքում՝ անձնուրացութեան և հերոսութեան այնքան փայլուն ապացոյցներ է տւել, պահած ունի իր մէջ դեռ ևս կենսունակութեան մի անսպառ աղբիւր և մի անսասան տոկունութիւն, որի մասին թող չխաբի իրեն եւրոպան:

Արեան ծովերը անկարող եղան խեղդելու հայ ազգի հայրենասիրական իղձերը և այսօր նա պահանջում է ձեզնից, որ վերջապէս ձեր ձեռքն առնէք նրա սրբազան դատը և իրագործէք ազդու և ստիպողական միջոցներով այն, որ այնքան երկար ժամանակ սպասում է ձեզնից՝ Նահատակ Երկիրը:

Մենք կամեցանք կատարել մեր պարտականութիւնը, յիշեցնելով ձեզ այն, ինչ պահանջում են ձեզնից արգարութիւնը, ձեր պատիւը և նոյնիսկ ձեր շահերը:

Իսկ մենք այսպիսի մի կացութեան հանդէպ՝ պիտի շարունակենք մեր գործը այն բոլոր եռանդով, որ կարող են ներշնչել մեզ մի ամբողջ ազգի յուսահատ վճռականութիւնը և յիշատակը այն արեան, որ մեր եղբայրները թափեցին՝ ամենաազնիւ դատերից մէկի համար:

Մ Ա Ճ Ի Ա Ն Պ Ա Տ Ի Ժ

Պարսկաստանի կեդրոնական Կօմիտէի վճռով՝

Յունւար 3-ին (ն. տ.) երեկոյեան ժամը 6-ին մահուան պատժի ենթարկւեցան 9 նահատակ զինւորներու մատնութեան գործին գլխաւոր հեղինակներէն երկուքը՝ ՍՏԵՓԱՆ Եւ ԽՈՒՍ ԱՌԱՔԵԼԻ Միւս մատնիչներու մասին Կօմիտէի վճիռը կը մնայ գաղտնի:

Բաղէչի կեդրոնական Կօմիտէի վճռով՝

1898 նոյեմբեր ամսուն՝ Մուշի Սասգիւղի մէջ մահուան պատժի ենթարկւեցաւ նոյն գիւղացի հանրածանօթ մատնիչ ՌԷՍ ԲԱՐՍԵՂ-ը, որ իր պժգալի արարքներով պատուհաս մը եղած էր գիւղին եւ խոջընդոտ մը յեղափոխական գործին:

1898-1899

II

Նախորդ յօդածում մենք խօսեցինք հայի տրամադրութեան մասին այն կռուով, որ նա յայտարարել է տաճիկ կառավարութեան: Բայց կռւի մասին խօսելիս չի կարելի անտես անել և միւս կողմը — սուլթանական իշխանութիւնը. այդ բաւական չէ. կարեւոր է ի նկատի ունենալ նոյնպէս և այդ կռւի հանդիսատեսներին — դիւանագիտական աշխարհը, որ ներկայ դէպքում անշուշտ որոշ դեր պիտի խաղայ:

Տաճիկ կառավարութեան կողմից արդէն մի քանի անգամ արած անուղղակի դիմումները «Դաշնակ-

ցութեան» անցեալտարի ևս կրկնեցին: Այդ դիմումներով կազմակերպութեան առաջարկում էր բանակցել այն պահանջների մասին, որոնց բաւականութիւն տալուց յետոյ «Դաշնակցութիւնը» կը դադարեցնէր իր յարձակողական ձեռնարկները: Ապագայում մենք առիթ կ'ունենանք կազմակերպութեան որոշումները այս հարցի վերաբերմամբ իրենց կարեւոր մանրամասներով հրատարակելու: Այժմ մենք կը կամենայինք շեշտել միայն այն կէտը, որ այդպիսի մի դիմում տեղի չէր ունենալ եթէ «Դաշնակցութիւնը», իբր յեղափոխական կազմակերպութիւն, որոշ նշանակութիւն ստացած չլինէր տաճիկ կառավարութեան աչքում: Կ'ուզէք համարեցէք այդ քայլը մի նշան, որ տաճիկ կառավարութիւնը հասել է զիջումներ անելու անհրաժեշտութեան գիտակցութեան, կ'ուզէք ընդունեցէք այդ՝ իբր մի խաղ եւրոպական միջամտութիւնը հայկական խնդրում չէզոքացնելու համար. կ'ուզէք անւանեցէք այդ դիմումը լոկ ոստիկանական օրօրներ և ուրիշ ոչինչ — բոլոր դէպքերում էլ չի կարելի չնկատել մի հրապարակական խոստովանք, որ հայկական շարժումը մի անխուսափելի տարր է դարձել տաճիկական քաղաքական կեանքում և որ նրա հետ կռւելիս չի կարելի բաւականանալ այն սոսկալի միջոցներով միայն, որ ունի իր ձեռքում և որ այնքան անգթաբար գործ է դնում սուլթան Արդիւ Համիդը... Կեանքի շուկայից լսող խընդոտ ձայները թող շարունակեն հերքել յեղափոխական շարժման նշանակութիւնը. այդ չի հերքում ինքը սպառազէն թշնամին, որի կարծիքը ներկայ դէպքում

ամենահեղինակաւորը պիտի համարուի, որովհետեւ ոչ ոք նրա չափ չհագրագուած չէ մեր շարժման նշանակութիւնը նսեմացնելու գործում:

Միայն հայերը չեն, որ նեղում են սուլթանական կառավարութիւնը: Անցեալ տարւոյ սկզբին «Դրօշակ»-ում տպւեց երիտասարդ թիւրքերի մի դիմում վեց պետութիւններին, որ իմիջի այլոց գտնում ենք հետեւեալ տողերը.

«Կօմիտէս այս անգամ կատարելապէս համոզւած, որ սուլթանը միայն ուժի ազդեցութեան տակ տեւողի կրտսայ աղբի կամքին, հաշտութեան ամէն մի միջոց անտեղի համարելով, վճռել է մղել խիստ արշաւանք եւ կատաղի կռիւ, որպէս զի կարողանայ մեր դժբախտ երկրում հաստատել ներկայ յառաջագիւղութեան համապատասխան իրերի մի դրութիւն»:

Վերջին տարիները երիտասարդ թիւրքերի մասին աննպաստ լուրեր շատ լսեցին. այդ լուրերը հասարակութեան մէջ և նոյնիսկ յեղափոխական շրջաններում միանգամայն բացասական տպաւորութիւն էին գործում, մանաւանդ այն պատճառով, որ երիտասարդ թիւրքերը չտեսնւած շանտաժի և կաշառակերութեան օրինակներ տալով՝ դրա հետ միասին երբեք անմիջական կռիւ ասպարէզ անցնելու տրամադրութիւն չէին արտայայտում: Բայց՝ ինկատի ունենալով մի կողմից վերեւի հատւածը և միւս կողմից այն ընդհանուր օրէնքը, որ ամէն մի նոր հասարակական հոսանք իր զարգանալու և ձևակերպւելու համար պահանջում է ժամանակ, — մենք չենք կարող թիւրք երիտասարդութեան սյուսուրայ խօսքը չհամարել սպառնալիք՝ և այն էլ լուրջ սպառնալիք՝ սուլթանական ռէժիմի դէմ: Այլ կերպ մտածողները թող յիշեն ուրիշ ժողովուրդների կեանքից օրինակներ: Ակզբում՝ դրսի կամ ներսի հանգամանքները ծնում են անհաստեղ, որոնք խօսքով միայն հիմք են դնում որոշ մտաւոր շարժման, իսկ այնուհետև՝ արդէն շատ գործօնների ազդեցութեան տակ՝ կեանքը վերջապէս առաջ է բերում ներգործական դերի ընդունակ հոսանքներ: Թիւրք ժողովուրդի տգիտութիւնը, նրա մոլեռանդութիւնը և երկրում տիրող հակաբազմազանութիւնը պայմանները իհարկէ շատ աննպաստ են երիտասարդ թիւրքերի համար, բայց յամենայն դէպս՝ մեր կարծիքով՝ այսօրւայ «գործի կարիք զգացող խօսքն» է, որ պիտի ժայթքի և ի ս կ ա կ ա ն գ ո Ր ծ ը: Ուրիշ ժամանակ, նորմալ հանգամանքներում, մենք այդպիսի ապագայ կարող էինք նախատեսել թիւրքական կեանքի միայն հեռանկարներում և երբեք մեզ չէինք թոյլ տալ մեր ձեռքի տակ եղած կցկտուր երեւոյթներէից կոյր լաւատեսութեամբ որ և է համարձակ եզրակացութիւնների գալ. բայց այն ներկան, որի մէջ ապրում է Ցաճկաստանը, այնքան խառնակ է և այնքան լարւած, որ, ինչպէս հայերս որ և է 10-15 տարւոյ ընթացքում անցանք մի պատմութիւն, որ բաւական էր նոյն իսկ մի ամբողջ դարի համար, այնպէս էլ այսօրւայ փոքրիկ երեւոյթները թիւրքական կեանքում եզուց կա-

րող են մեզ ներկայանալ արդէն հսկայական չափերով: Թիւրք ա կ ա ն շ ա Ր ժ ու մ — ահա ուրեմն և մի վետանգաւոր վերք մեր թշնամու վրայ — մի վերք, որ արդէն չի կարող համեմատուել այն բազմաթիւ ուրիշ վերքերի հետ, որոնք շատ անգամ Թիւրքիայի անդամահատութեան պատճառ եղան: Այս վերքը արդէն «հիւանդ մարդու» սրտի վրայ է աճում և ուրիշ ոչ մի կերպ չի կարող վերջանալ սուլթանական ռէժիմի համար, բայց եթէ մահով միայն:

Միանգամայն նոր և գուցէ աւելի ևս հետաքրքրական է մի այլ երեւոյթ — անցեալ տարւոյ վերջերին քիւրդ քաղաք ա կ ա ն յ ա ն ց աւ ո Ր ն ե Ր ի երեւան գալը: 1898 թւի յունիսին «Դրօշակ»-ում զետեղեց՝ Տր. Ս. ստորագրութեամբ՝ մեր քիւրդ բարեկամներէից մէկի նամակը, որից յիշեցնում ենք հետեւեալ տողերը.

«... Տգէտ մնացած ազգերը գերի կ'ըլլան. Ահաւասիկ դուք ալ տգէտ մնացած ըլլալուդ՝ տիրող կառավարութեան պերի եղած էք... Ինչո՞ւ օր մը տեղ մը չէք խմբիր եւ կառավարական չէնքերը կոխեր... Սուլթան Համիտ ոչ խալիֆայ է, ոչ փառաւոր... Ձեզ ձեր հայրենակից հայերուն դէմ կը գրգռէ. դուք ինչո՞ւ չէք ըսեր, որ անոնք մեր թո՞փ-ր ագ-գ արտաշն երն (հողի եղբայրներն) են, մեր դրացիներն են եւ միեւնոյն երկրի դաւակներն ենք... Միացէ՛ք. ձեր փրկութիւնը դէնքի ուժով միայն պիտի ըլլայ, այո՞րքն ապստամբութիւնով...»

Քիւրդական վայրենութեան ծանօթ մարդկանցից շատերը իրաւունք ունենին կարծելու, որ տեսական բնաւորութիւն ունեցող այս կոչը — լոկ քաղաքակրթութեան ճաշակը առած մի քիւրդ անհատի բարեմիտ խորհրդածութիւնների արդիւնք է և աւելի ոչինչ: Բայց միաժամանակ երեւան եկան փաստեր, որոնք կասկած չէին թողնում, որ քիւրդերի մէջ խմորւում է մի ինչ որ խլրտում: Մենք չենք կարող այդ փաստերը կապել մեր բարեկամի կոչի հետ, իբր նրա հետեւանք, բայց չենք կարող առանց ուշադրութեան թողնել այն հանգամանքը, որ այդ կոչը արդէն ունեցել է որոշ հող քիւրդական կեանքում, որ դա կեանքից այնքան կտրւած ձայն չէր, որքան կարելի էր կարծել առաջին անգամից: Այդպէս՝ Պօլսում բանտարկւեցին անցեալ տարի յայտնի քիւրդական պետ Բէդրէխանի որդիները, մեղադրւելով իբր «համիդէների ըմբոստութեան գրգռիչներ»: Անատոլիայում տեղի ունեցան ուրիշ ձերբակալութիւններ: Սկիզբը Վահրէում և յետոյ Ժընեւում սկսեց հրատարակւել մի քիւրդերէն թերթ «Քիւրդիստան» անունով, որ յամենայն դէպս բարեկամ չի կարող համարուել տաճկական բռնակալութեան. վերջապէս անցեալ տարւոյ վերջերին Պօլսում տեղի ունեցաւ մի ամբողջ քիւրդական քաղաքական դատ: Այս առթիւ մի մասնաւոր նամակով գրում էին մեզ այնտեղից.

«Քիւրդ պէյեր եւ համիտիէի պետեր բերւած են հոս եւ մեծ քննութեանց ու պատժոց կ'ենթարկւին. յաջս կառավարութեան քիւրդերը շատ ինկած են այժմ այն պատճառաւ, որ այս վերջինները ապստամբական

Տամբայ ընտրած են ինքնիշխանութիան հաննելու նպատակաւ։

Դատում էին Պոլսում քիւրդերի մի քանի պարագլուխներ, իբր իրենց ցեղակիցների գրգռողներ թիւրք կառավարութեան դէմ։ Եւրոպական լրագիրները քիւրդերի այս տրամադրութիւնը անանեցին սպառնալի՝ թիւրքերի համար և բացատրում էին նրանով, թէ սուլթանը ինքը զէնքեր բաժանելով քիւրդերին՝ այնքան ուժեղացրել է նրանց, որ այժմ նրանք բոլորովին աներկիւղ կերպով յարձակում են հայ և թիւրք գիւղերի վրայ ու գրաւելով նրանց՝ խլում են սուլթանից մէկ գիւղ միւսի յետեւից։ Մտաբերներ թիւրք պալատականի խօսքերը այս առթիւ, «եթէ քիւրդերն էլ շարժեցին, էլ ամէն բան վերջացած է։»

Իսկ եւ ի՞նչ, որ ամբողջ տարի կուում էր սուլթանի դէմ։ Իսկ Ալբանիան, ուր ծագած շարժումները սկզբում ցեղական բնաւորութիւն ունենալով՝ յետոյ ուղղեցին կառավարութեան դէմ և օսմանեան մի զորաբաժին ջարդուփշուր անելուց յետոյ՝ երկար ժամանակ Էլբասան քաղաքը իր շրջականներով սարսափի մէջ պահեցին։ Իսկ Լիբանանի դրուզները, որոնք անցեալ ամառ ապստամբական մեծ պատրաստութիւնների վրայ էին։ Իսկ Մակեդոնիան, որ իր մի քանի յեղափոխական կուսակցութիւններով տենդային յուզման մէջ է և որի ազատման գործը օրւայ հարց է միայն։ Իսկ Կրէտէն, որ իսպառ թառամեցրեց յունական պատերազմում Աթիւլ Համիդի ստացած յաղթական պսակը և մի նոր զօրաւոր ազգանշան դարձաւ այն բոլոր ազգութիւնների համար, որոնք կուի ճանապարհի վրայ են։

Վերջացնենք մեր խօսքը թշնամու մասին։ Մենք մատնացոյց արինք մի շարք անհրաժեշտ երևոյթներ, որոնք վկայում են, որ Տաճկաստանի ներքին քաղաքական կեանքը օրըստօրէ թունաւորւում է հպատակ տարրերի բուռն դժգոհութիւններով։ Այդ իրողութիւնը, որքան արտայայտեց դա 98 թւականի ընթացքում, մեզ կարող է բերել միայն սփոփիչ եզրակացութեան, որովհետեւ՝ իբրեւ մի-մի հարւածներ սուլթանական բռնակալութեան դէմ՝ այդ սպառնալի երեւոյթները ստորացնում, թուլացնում, քայքայում են նրան։

III

Դառնանք այժմ դիւանագիտական աշխարհին, որ այս յօդուածի սկզբում անանեցինք հանդիսատես մեր կուի և որ դեռ 1856 թւից Պարիզի դաշնագրով ստանձնել է Թիւրքիայի քրիստոնեաների պաշտպանի դերը։ Եթէ հայկական շարժումը, թէև կարճատև, բայց արդէն անհամար կորուստներ կրած չլինէր, դուցէ բնական լինէր այդ հարցի մասին այսօր լաւատեսութեամբ խօսել։ Բայց այժմ երբ լաւ գիտենք, թէ որպիսի անտարբերութեամբ եւրոպական պետութիւնները մեղսակից եղան սուլթան Համիդին, երբ նա կազմակերպութեւ էր հայ-

կական կոտորածները, այժմ, երբ ականատես եղանք, թէ ինչպէս այդ պետութիւնները, կամենալով սուլթանի կամ իրար հետ ունեցած հաշիւները հայի գլխին մաքրել — թոյլ տւին «մեծ մարդասպանին» տարիների ընթացքում համարձակ ջարդել մեզ, — այժմ, ասում ենք, իրաւունք չունենք արդեօք դիւանագիտութեան նշանակութիւնը և ապագայում խաղալիք դերը որոշելու համար դործ դնել նոյն կրիտերիումը, որով վերաբերում ենք իրեն՝ սուլթան Համիդին։ Այո՛, ինչպէս այդ մեր ամենասոսկալի թնամին կարող է՝ որ և է սեփական շահից դրդւած՝ վաղը միւս օր հայերին այս կամ այն արտօնութիւնը տալ, այնպէս էլ այդ «հռչակաւոր» պետութիւնները՝ իրենց որոշ դիտումները առաջ տանելու նպատակով՝ կարող են շատ բան անել մեզ համար։ Ինչպէս ինքը սուլթան Համիդը իր անվերջ հալածանքներով, իր փտած կառավարչական միջոցորոտով՝ իր հպատակ յոյների, լիբանանցիների, սերբերի, բուլղարների, կրէտացիների դատին մեծապէս նպաստեց, նոյնպէս էլ այդ բարոյական սնանկները՝ անդադար արհամարհելով իրենց պարտաւորութիւնները դէպի մեզ, — կարող են հէնց իրենց մէջ հող պատրաստել ինպատ մեր բաղձանքների իրագործման։ Այո՛, այդպիսի զարմանալի խաղեր սիրում է պատմութիւնը։ Բազմաթիւ օրինակներից յիշենք միայն մեր հարցի հետ, միայն Թիւրքիայի հետ կապւածները։ «Յոյները իրենց ազատութեամբ ամէնից շատ պարտական են իրենց հակառակորդների կրքերին», ասում է Բեօրնէ։ «Անգլիան, որ վախենում էր Ռուսաստանի ուժեղանալուց և Տաճկաստանի անկումից, ամէնից շատ նպաստեց թէ մէկին, թէ միւսին», պնդում է նոյն Բեօրնէն։ Ապստամբ կրէտացիների վրայ թնդանօթներ արձակողները մի քանի ամսից յետոյ իրենք դուրս քշեցին կղզուց թիւրք զինւորներին։

Այս փաստերին մենք տալիս ենք առանձին նշանակութիւն ոչ միայն այն պատճառով, որ ժամանակակից դիւանագիտութիւնը չի ճանաչում ոչ մի ուրիշ սկզբունք, բացի «հաւատարմութիւն»-ի հանգանակը, այլ և նրա համար, որ աշխարհիս երեսին չկայ ոչ մի այնպիսի կալէյդօսկօպ, ուր գոյները այնքան անհաստատ լինէին, ինչպէս քաղաքական կալէյդօսկօպում։ Մի գիպլօմատ ասել է, դիւանագիտութեան մէջ չի կարելի նախագուշակութիւններ անել նոյնիսկ հետեւեալ օրւայ մասին, և ճիշդ է ասել։ Յիշենք կրկին անցեալ տարին։ Որքան անսպասելի դէպքեր տեղի ունեցան այդ մի տարում։ 2ինաստանի մասնակի բաժանում, պալատական յեղափոխութիւն 2ինաստանում, սպանաւերիկեան պատերազմ, Ֆաշօղայի դէպք, Կրէտէի ազատութիւն, անգլաամերիկեան միութիւն, զինաթափութեան հրաւեր, ռուս-տաճկական դժգոհութիւններ և այլն։ Ո՞վ էր այն խելօքը, այն հեռատեսը, որ կարողանար այս դէպքերի մասին թէկուղ միայն մի քանի ամիսներ առաջ անպայման ճիշդ նախագուշակութիւններ անել։ Ո՞վ էր այն քաջ

գիւանագէտը, որ չգողար՝ ընդհանուր առմամբ յանկարծակի տեղի ունեցած այս երեւոյթներէից շատերի առաջ անկարող լինելով ասել, թէ ինչով կը վերջանան դրանք կամ շահերի ինչ նորանոր դասակարգութիւններ կը ստեղծեն: Ո՞վ է հետեւաբար և այն համարձակը, որ ներկայ քաղաքական դրութիւնը կարողանար յարատեւ հռչակել և, որ գլխաւորն է, հիմք ունենար պնդել, թէ շատ նորանոր քաղաքական դուգակցութիւններէից, որոնք անխուսափելի են ապագայում, և ոչ մէկը չի կարող լինել նպաստաւոր մեզ համար... Դժուար է իհարկէ պատասխանել այն հարցին, թէ ով է այսօր թիւրքիայի բարեկամը, բայց թող մեզ ասեն նաև, տաճկի ո՞ր բարեկամը նրանից պատառներ չի խլել, նրան չի թուլացրել երբեմն նոյնիսկ աւելի քան նրա թշնամիները կամ ո՞րի բարեկամութիւնն է, որ չի փոխել թշնամութեան և ընդհակառակն, այն էլ շատ կարճ միջոցով...

Մենք սովոր ենք լացի, աւելի ճիշդն ասած՝ մեզ սովորեցրին լացի, բայց մի փոքր էլ խնայենք մեր աչքերը, եթէ չենք կամենում սեւը սպիտակից ջոկելու ընդունակութիւններս կորցնել: Մի փոքր էլ այսուհետև յուսանք մեր թշնամիների վրայ, եթէ յուսահատել կամ յուսահատելու վրայ ենք մեր բարեկամներից...

Թ Ղ Թ Ա Կ Յ Ո Ւ Թ Ի Ի Ն Ն Ե Ր

Ն Ա Մ Ա Կ Մ Ո Ւ Շ Է Ն

10/22 դեկտեմբեր 99

Բաղէշի վերջին դէպքերն ահաբեկ ըրին տեղիս կառավարութիւնն ու թիւրքերը: Լուր կը պտըտի հիմա թէ Սերոբ փաշան (Աղբիւրը), չկրնալով Բաղէշը գրաւել, կը պատրաստուի Մուշի վրայ յարձակելու: Թիւրք ու քիւրդ, սրտերնուն վախէն, արեւը մայր մտնելէն ետք ալ դուրս չեն ելլար պտըտելու և գիշերը դաշտի մէջ ճամբորդելն ալ մեկդի դրած են: Կառավարութիւնը անտարբեր չկեցաւ այդ լուրերուն առջև. աւելցնել տաւ թէ գիշերան և թէ ցերեկան պահստորդներուն թիւը, և մանաւանդ հսկողութիւնը խստացուց քաղաք տանող ճամբաներուն վրայ: Մանրակրկիտ խուզարկութիւն և քննութեան կ'ենթարկին հիմա քաղաքս ելլումուտ ընողները:

Երկու շաբաթ առաջ ալ նոյեմբեր 20-ի լուսագեմին՝ ոստիկան-զինւորները յանկարծ կը պաշարեն Բերդի հայաբնակ գիւղը, կասկածելով թէ յեղափոխականներ պահուած լինին հոն: Գիւղը պաշարելէն ետք, արշալոյսին կը մտնեն գիւղը և կըսկսին խուզարկել մանրակրկիտ կերպով, բայց բան մը չեն գտներ: Այդ անցադուրէնէն սրտմտած, ջոկատի հրամանատարը կը հրամայէ գիւղի այդ մարդիկը քշել տանել գիւղի մէկ կողմը, ուր կըսկսին ծեծել և տանջել, զէնք պահանջելով անոնցմէ, բայց չեղած տեղէն ինչ կրնային առնել: Իսկ այդ միջոցին զօրքին հրաման կը տրւի աւարի տալ

գիւղը: Վայրենի ու սովալուկ զինւորին այդ հրամանն էր պէտք. կը խուժեն տուները, ձեռքի տակ ինկածը կը վերցնեն, բռնի կը խլեն կիներուն վրայ եղած զարդերը: Կը ծեծեն ու կը բռնաբարեն, և վերջապէս բան մը պակաս չեն թողուր այն բոլոր խօգը-ժուլենէն, որուն ընդունակ է թիւրք զինւորը անպաշտպան էակներուն հանդէպ:

Բայց մատնիչներն ալ անպատիժ չեն մնար հիմա:

Մատնիչ Ռէմ ԲԱՐՍԵՂԻՆ Խասգիւղին մէջ տէնօրի ենթարկումը արդէն հաղորդած ենք: Այդ մահը կը յուսանք թէ խրատ լինի քանի մը ուրիշներու համար, որոնք ոտնակոխ ընելով ամէն սրբութիւն, առիթը փախցուցած չեն երբեք իրենց եղբայրներուն դաւելու: Հիմա թող գիտնան որ կայ իրենց վրայ հսկող անողոք աչք մը, որ կրնայ ուշացնել պատիժը, բայց երբեք ներել... Եթէ յամառին տակաւին շարունակել իրենց վասակի գործը:

Իրերու այս վիճակին մէջ անմխիթար երեւոյթ մըն է քաղաքիս ունեւոր դասակարգին անտարբերութիւնը: Մոռցած դեռ երէկի տագնապներն ու աղէտները, ամէն մարդ ինկած է իր գձուձ շահերու ետեւէն, դրամ գիւղելու, չխորհելով որ այդ ամէնը դարձեալ բաժին պիտի դառնայ քիւրդին կամ թիւրքին, թէ կեանքերնին ալ վրայ պիտի տան նորէն — եթէ իրենց նպատակ չդնեն ամէնէն անյետաձգելի բանը արդի պարագաներուն մէջ — ինքն ապաշտպանութեան գործը:

Կ Ո Վ Կ Ա Ս Ե Ա Ն Խ Ա Բ Ր Ի Կ Ն Ե Ր

Երկրորդ. ՆԱՄԱԿ

Պետերբուրգ, 5/17 փետրւարի 99

Հէնց այս րօպէիս, երբ գրում եմ այս նամակը, կովկասեան կառավարչապետ իշխան Գօլիցին՝ իր մտերիմ թեւագրիչի՝ Միցկեվիչի հետ այստեղ՝ Պետերբուրգ են, ուր, պէտք է կարծել շնորհ են բերել «կարեւոր» ծրագիրներ պաշտպանելու համար: Թէև հեռու Վովկասից, բայց երեւակայում եմ, թէ ինչ իրարանցում է տիրում Թիֆլիզում, ուր, ինչպէս շատ անգամ, այժմ էլ անշուշտ ենթադրում են, թէ կառավարչապետը այլ ևս չի վերադառնալ և նրա տեղ կը նշանակւի մի նորը:

Երկու տարի է ընդամենը, բայց ինչ ահագին տարբերութիւն: Երկու տարի առաջ, երբ իշխան Գօլիցին նշանակեց կառավարչապետ, Վովկասում քաղցրիկ երազներ էին տեսնում, ազգաբնակչութիւնը, ինտելիգենտ ու վարչական շրջանները, վերջապէս մամուլը աւետում էին մի նոր, Շերեմետեւեան ուղղութեան աւելի բեղունաւոր շրջան: — «Կրթած մարդ է, նշանաւոր տոհմի ներկայացուցիչ, եռանդի և կամքի տէր, ասում էին շատերը, և նրա գալով՝ երկիրը նոր արշալոյսներ կը տեսնի»: Վօրոնցովի օրերն էին սկսել երազել...

Եւ երբ, Պետերբուրգ եկած, ես պատմեցի մի յարգելի ռուս մարդու, որ երկար ծառայել է Վովկասում և լաւ ճանաչում է Գօլիցինին, թէ ինչպէս է վերաբերում Վովկասը Գօլիցինի նշանակւելուն, — նա ժղկատալով ասաց.

— Այո, իշխան Գօլիցին մի «փոքրիկ» վարձուցով կարող է լինել. Գօլիցինի տոհմին յատուկ է այդ գիծը. բայց այդ կախած է նրանից, թե ովքեր կը լինեն խորհրդականները. լաւ խորհրդականներով՝ նա փոքրիկ վարձուցով կը լինի, իսկ վատ խորհրդականներով՝ փոքրիկ Պօթեդօնօսցեմ:

Դժբախտաբար այդպէս էլ եղաւ Թիֆլիզում շատերը գիտեն, թե սկզբի ամիսներում օր օրի յետեւից ինչ գեղեցիկ լուրեր էին բխում իշխան Գօլիցինի ապարանքից: Ընդունելով վարչական մարմնի ներկայացուցիչներին՝ նա ասում էր. «Ինչ համար չկայ ազգութեան խտրութիւն և ձեզ համար էլ չպիտի լինի. ինչ հարկաւոր են լաւ պաշտօնեաներ և դրանց պէտք է փնտռել ամէն ազգի և կրօնի շրջանում»: Դիմելով կովկասեան գրաքննական կոմիտէին, իշխանը ասել էր. «Մամուլին ազատութիւն տւէք. քննադատելու պաշտօնեաներին. ես ուզում եմ այդ ճանապարհով ճշմարտութիւնն իմանալ»: Իսկ իր նախկին ծանօթ հայ զինւորականներին (իշխանը առաջ ծառայել է Կովկասում) նա շատ անգամ մտերմաբար կրկնել է, որ ինքը դատում է ազգայնական հալածանքը և միանգամայն արմատախիլ կ'անէ ամէն մի այդպիսի փորձ. — մի խօսքով մարգարիտների մի հիւսւածք, որ մի որոշ ժամանակից յետոյ գարշելի յանդգնութեամբ դառնալու մէջ գցւեց, որպէս զի դրա տեղ պարզի ազգայնական հալածանքի ու խտրութեան անարգ դրօշակը, որ այնքան հռանգով և ոգևորութեամբ ծածանեցնում են ամբողջ Կովկասի վրայ մի շարք պաշտօնեաներ և դրանց թւում նաև իշխան Գօլիցինի ընտրած նենգամիտ խորհրդականները և արկածախնդիր թելադրիչները...

Մի օր՝ ընդունելով իր պալատում հայոց պատրիարք կաթողիկոս Խրիմեանին և խօսելով Էջմիածնի գործերի և կառավարչական ու կաթողիկոսական յարաբերութիւնների մասին, իշխան Գօլիցին ասել է.

— Ես մեծ համակրութիւն եմ տածում դէպի Ձերդ վեհափառութեան անձնաւորութիւնը, բայց չեմ կարող թագցնել, որ դուք շրջապատւած էք միանգամայն անվստահելի խորհրդականներով, որոնք, ցաւ է ասել, մեր յարաբերութիւնները և Էջմիածնի գործերը հասցրել են այժմեան տխուր և նոյնիսկ վտանգաւոր վիճակին:

Ցարաբախտաբար ամենայն հայոց կաթողիկոսը չկարողացաւ կամ իրաւունք չունեցաւ պատասխանելու.

— Ես էլ, Ձերդ պայծառափայլութիւն, համակրութիւն եմ տածում դէպի ձեր անձնաւորութիւնը, բայց չեմ կարող թագցնել, որ դուք ևս շրջապատւած էք միանգամայն անվստահելի խորհրդականներով, որոնք, ցաւ է ասել, մեր յարաբերութիւններն ու կովկասեան գործերը հասցրել են այժմեան տխուր և նոյնիսկ վտանգաւոր վիճակին:

Դուք անշուշտ հետաքրքիր էք իմանալու, թե ովքեր են կազմում այն խորհրդականները՝ մարմինը, որ այնքան վճռական ներգործութիւն ունեցաւ կամբից զուրկ իշխան Գօլիցինի վրայ: Ահա՛ Գեներալ Փրէզէ, նախկին նահանգապետ Երևանի, որ Պօթեդօնօսցեմի անդղութեան համար նահանգապետի պաշտօնից բարձրացրեց ժանդարմների շէֆի կարևոր պաշտօնին և ապա Պետերբուրգից ուղարկեց Թիֆլիզ՝ կառավարչապետի օգնականի պաշտօնով՝ «ոռուսացման» գործում Գօլիցինի աջ ձեռքը լինելու համար: Կառավարչապետի դի-

ւանատան դիրեկտոր Միցկեվիչ, յունադաւան լեհացի, այսինքն լեհացու ամենավատ տեսակը, աւելի ուշ՝ քան ամենաթունոգ ոռուսը, երկչոտ ու կասկածոտ, շողորթութեամբ խնդրեց: «Նահանգապետ Քրէզէ օվ, որ դատաստանական նախագահի պաշտօնից Գօլիցինի կողմից կանչւեց նահանգապետութեան միայն մի արժանաւորութեան — հայտնեցութեան — համար, եթէ չհաշտւեք նրա մի այլ աչքի ընկնող արժանաւորութիւնը — կաշառակերութիւնը, որով մեծ հուշակ էր ստացել դատարանական շրջաններում... Փոխ-նահանգապետ Ստեֆանօվիչ, որին ճակատագիրը գցեց Կովկաս, բանաստեղծի ասելով, «բախտ եւ աստիճաններ որսալու նպատակով» — մի տենչանք, որի համար ազգայնական հարցը ամենակարճ ճանապարհն է այժմ... Ահա դա է այն քառասուն տուր թիւնը, որ երկու տարուց ի վեր տօն է տալիս գործերին և որ իր նպատակներին հասնելու համար ո'չ միայն գաւառները ձգտում է լեցնել այնպիսի «չնաշխարհիկ» նահանգապետներով, ինչպէս է գեներալ Վիրէմով Գանձակում, կամ թե այնպիսի սրիկայ գաւառապետներով, ինչպէս Բօգուսլավսկի Իգդիրում, այլ և հնարաւոր է համարում երկրի միակ պաշտօնական լրագիրը յանձնել մի այնպիսի կլասիկ-աֆէրիստի, ինչպիսին է Ալիքիւ, «կաւկազ»-ի այժմեան խմբագիր-լրտեսը...

1897 թւի յուլիս ամսին էր, երբ լուր տարածւեց թե Թիֆլիզի նահանգապետ իշխան Շերվաշիձէ, ոչ հայատեսաց մի մարդ, հրաժարւում կամ՝ աւելի ճիշդ է ասել՝ հրաժարեցում է պաշտօնից: Դրդիւնը մեծ էր: Իշխան Շերվաշիձէի հրաժարականը ազդանշան էր Նա միայն, կը նշանակէր՝ տեղական խաղաղասէր կուսակցութիւնը յաղթող հանդիսացաւ. իսկ հրաժարւելը — վերջնական ապացոյց, որ Քրէզէ-Միցկեվիչեան խումբը տիրապետեց... ոչ, իհարկէ, թշնամութեամբ, այլ կառավարչապետի ապարանքին... Եւ մի ամիս հաջիւ անցած այդ կասկածները, տարաբախտաբար, արդարացան. Շերվաշիձէ, չտանելով իր անձի և երկար տարիների գործունէութեան դէմ լարած դաւերը, հրաժարական տւեց, որ, իդէպ ասել, կառավարչապետը ընդունեց մեծ հաճութով այդ հրաժարականին հետեւեցին մի քանի այլ հրաժարականներ, և այդ օրից սկսեց մի նոր կատաղի կամ աւելի ճիշդ՝ անամօթ արշաւանք յանուն մեզ ծանօթ «ոռուսացման»...

Նպատակին հասնելու համար ոչ մի միջոց չխնայելու սկզբունքը դարձաւ Գօլիցինեան սիստէմ: Այդ ապացուցանելու համար, ես կը յիշատակեմ երեք բնորոշ փաստեր. 1) տեղացիներին հեռացնելը պետական ծառայութեան բոլոր ասպարէզներից, 2) տեղական ինքնավարական մարմինների խեղդելը, ինչպէս այդ ցոյց են տալիս Թիֆլիզի դոմսյի դէմ գործ դրած միջոցները, և 3) հայոց դպրոցների փակումը և մանաւանդ այդ դպրոցների կալւածների անարգ յափշտակութիւնը: Ես չեմ յիշատակիլ Գօլիցինի առանձին առանձին, թէև նոյնպէս շատ բնորոշ քայլերն ու կարգադրութիւնները, որովհետև յիշատակած երեք կէտերի մէջ արդէն արտացոլում է նրա ամբողջ ոգին և սիստէմը:

1. Տեղացիներին պաշտօնէն չտալ — ահա այդ երեք բառերի մէջ է ամփոփւած նոր դժբախտականութիւնը: Այդ քաղաքականութեան շնորհիւ էր, որ իշխան Ամիրաթարի, ազգով վրացի, հրամանատար զօրաբանակի, Կովկասեան զինւորականութեան

փայլուն մի ներկայացուցիչ, որ մի քանի ամիս մինչև Գօլիցիների գալը՝ վարեց նոյնիսկ կառավարչապետի պաշտոնը, անտես արեց, և նրա տեղ կառավարչապետի օգնական նշանակեց գեներալ Ֆրեդէ: Դա ընդհանուր զարմանք առաջ բերեց, որովհետև հասարակ «տակտը», եթէ աւելի չասենք, պահանջում էր յարգել տեղացի մի այնպիսի պաշտոնեայի, որ ուսուց յաղթութիւնների համար մագեր է ձերմակացրել: Դրա փոխարեն, վերաւորանքը կրկնապատկելու համար, իշխան Ամլախ-վարիին նշանակեցին իշխան Գօլիցիների «առանձին յանձնարարութիւնների» պաշտոնեայ, մոռանալով, որ տարիներ առաջ՝ նոյն այդ Գօլիցին ծառայել է իբրև... աննշան զինւորական Ամլախվարիի ձեռքի տակ, երբ նա բանակ էր կառավարում...

Ես արդէն յիշատակեցի իշխան Հէրվաշիձէի հեռացւելը: Նրա հեռանալուց յետոյ անմիջապէս հեռացրեց նաև Գանձակի նահանգապետ իշխան Նակաշիձէ, որպէս զի դրանց փոխարէն «ոռւսներ» նշանակուեցին: Եւ ահա Հէրվաշիձէի տեղ նշանակեց Բըկով, որին — լաւ լսեցէք — այժմ նոյնիսկ Գօլիցինը տեսնել չի ուզում, իսկ Նակաշիձէի տեղ Մոսկալից հրաւիրեց ինչ որ գեներալ Նիրէնով, որի միակ արժանաւորութիւնն այն է, որ Գօլիցիների անձնական բարեկամն է (միմանց հետ «դու» ուլ են), և որը մի ամսում արդէն ցոյց տուեց, որ այլ բան է Մոսկալի «տրակտիրներում» լաւ «յաճախորդ» լինելը և այլ բան լաւ «նահանգապետ»... Այդ կարևոր փոփոխութիւններին յաջորդեցին աւելի աննշանները, սկսած գաւառապետներից և վերջացած պրիստաններով: Հայերի մասին ասելը արդէն աւելորդ է. նրանք առանց դրան էլ «բարձր» պաշտոնների համար անյարմար էին դատւած՝ և իբրև քաղաքականապէս անփստահելի տարր՝ սկսեցին հեռացնւել նոյն իսկ իրենց երկրորդական պաշտոններից: Իշխան Գօլիցիների կարգադրութեամբ, արդէն պաշտոնի մէջ եղած հայերին տեղեր էին առաջարկում կամ Ռուսաստանի ներքին նահանգներում կամ այնպիսի վայրերում, ուր հայեր չեն ապրում, իսկ նորերին բացարձակապէս մերժում են ընդունել: Երևի դրանով պիտի իրագործւէր այն մեծագործ Փրազը՝ թէ «իր համար չկայ ազգերի և կրօնների խտրութիւն»:

Հազիւ մի քանի ամիս անցաւ սակայն և Գանձակի նահանգի մէջ տեղի ունեցած դառն փաստերը ցոյց տուեցին, որ շատ վտանգաւոր գործ է պաշտոնի կանչել երկրին և ժողովրդին անձանթ, ոչինչ արժանիք չունեցող անձինք և հեռացնել այնպիսի տեղացիներին, որոնք ամբողջ գլխով բարձր են զանազան «գեներալներից» և «տայնի սովետիկներից»: Աւագակութիւնը միանգամից կրկնապատկեց իր ուժը. «ոռւս չինովնիկների» «խաւովութեան» վրայ վստահ թուրք աւագակապետները սկսեցին սպանել ոչ միայն «անգէն հպատակներին», այլև կոզակներով շրջապատւած պրիստաններին, որոնց կենդանի ապացոյց պէտք է համարել Մոնաստիրսկու և Աբաշիձէի սպանութիւնը: Աւագակային խմբերը յանդգնաբար սկսեցին կողոպտել ո՛չ միայն մութ ծանապարհների վրայ, այլ նոյն իսկ նահանգական քաղաքի դիմաց, նահանգապետի քերթի տակ, ինչպէս այդ ցոյց է տալիս Հաշիքէնդի հռչակաւոր դէպքը, երբ աւագակները կալանաւորեցին ոստիկանապետին, պրիստաւին, ոռւս օֆիցերին (սպայ) և բազմաթիւ այլ մարդիկ, ու մտադիր

էին ձերբակալել նոյնիսկ նահանգապետ գեներալ Նիրէնովին իբրև խոստովանք նրա մեծ քաջութեան... Այժմ մինչև իսկ ինքը գեներալ Նիրէնովը, յուսահատւած, առաջարկ է արել իշխան Գօլիցիներին մի քանի հայերի պաշտոն տալ ոստիկանութեան մէջ. «Ինչքան ոռւսներ բերեցինք, բոլորն էլ արքեպիսկոպոս եկան — աւել է նա — իսկ թուրքերը աւելի մեր ոտի տակն են փորում, քան գործ շինում. ուրիշ ելք չկայ, բայց եթէ տեղացիներին նորից պաշտոնի կանչել» — Ոչ և ո՛չ լսել անգամ չեմ կարող հայերի մասին, — ահա այս է եղել Գօլիցիների պատասխանը: Նա մինչև այժմ էլ՝ չխրատւած փաստերից՝ կանչում է այս կամ այն դիւանատան կամ վարչութեան ղեկավարին և յայտնում. «Ձեզ մօտ մի քանի հայեր կան, պէտք է նրանց ուղարկել ներքին նահանգները կամ բոլորովին հեռացնել», և եթէ որ և է մէկը փորձում է ապացուցանել, թէ այդ հայերը արժանաւոր պաշտոնեաներ են... իսկոյն թնդում է իշխանական որոտը՝ «Անել ինչպէս ասացի...»: Յիշենք այդպիսի դէպքերից Թիֆլիզի «կոնտրօլնիյա պալատի» կառավարիչ Արեւտեմիկովի դէպքը, որ ըստ փոխել իրեն Վովչասից Ռուսաստան կամ ընդունել իր հրաժարականը, ասելով՝ թէ նա չէ կարող Գօլիցիների պահանջմամբ հեռացնել իր հայ պաշտոնեաներին...

2. Թիֆլիզի քաղաքային դումայի (խորհրդարանի) դէպքը գալիս է լրացնելու տեղացիների դէմ սկսւած պատերազմը: Հիմնւած լինելով ընտրողական օրէնքի վրայ, բնականաբար, քաղաքային դումաներում մեծամասնութիւնը պէտք է լինի տեղացի ազգաբնակչութեան ներկայացուցիչ և ոչ թէ ոռւսների, որոնք ինչպէս գիտէք Անդրկովկասում չնչին տոկոս են կազմում: Մոռանալով ահա այդ բնական երևոյթը, իշխան Գօլիցին իր «քաղաքագէտ» խորհրդականներով միշտ մոռնում է, թէ «դա ոռւսաց դումա չէ, այլ հայոց դումա»: Եւ ահա կամենալով չքացնել դումաների անկախ գործունէութիւնը՝ Գօլիցին, համարձակութիւն առած իրեն տւած արտօնութիւններից, ամէն քայլափոխում խառնում է դումայի գործերում, ոչնչացնում նրա որոշումները, ինքագլուխ հրահանգներ տալիս նրան... Ահա մի փաստ: Թիֆլիզի դուման որոշում է մի հասարակ բան — իր ձեռքն առնել քաղաքի ձիաբարձը, որ կապալով է տւած մի բէլգիական ընկերութեան: Աւելի պարզ բան լինել էլ չէ կարող: Դուման քաղաքի տընտեսական գործերի ղեկավարն է և շատ բնական է, երբ նա ձգտում է իր ձիաբարձը աւելի շահաւետ և բնակիչների համար աւելի յարմար կերպով բանեցնել: Բայց ահա «ոռւս հայրենասերները» շնչում են իրար ականջի, թէ «դուման ուզում է ձիաբարձը ձեռք գցել, որպէսզի այնտեղ էլ բոլոր պաշտոնները հայերին տայ»: Ինտրիգը լարւած է, մնում է տեսնել արդիւնքը: Իսկ արդիւնքը այն եղաւ, որ Թիֆլիզի նահանգապետ Բըկով և փոխ-նահանգապետ Ստեֆանովիչ՝ արտօնւած Գօլիցիների կողմից՝ սկսեցին մէկը միւսի յետևից ջլատել դումայի իրաւունքները, քանզի նրա որոշումները, նոյնիսկ սկսեցին սիրտ տալ բէլգիական ընկերութեան, վերջապէս այնտեղ հասցրին, որ կարողացան՝ Գօլիցիների գրութեամբ՝ քաղաքային վարչութեան երկու անգամներին հեռացնել պաշտոնից և ինչ խօսք, տապալեցին ձիաբարձի յետգնման գործը: Եւ այժմ

գոյութիւն չունի դուրան. նա կանաչաբայեանի և մինչև իսկ նահանգապետի խաղաղիքն է... Թիֆլիզում այդ առթիւ ամէն տեսակ տգեղ լուրեր էին պտտում, — իբր թէ նահանգապետ և փոխ-նահանգապետը 15 հազար ռուբլի կաշառք են կերել բէրիական ընկերութիւնից, որպէս զի քանդեն դուրանի որոշումը: Այդ լուրերի մասին գիտէր և ինքը Գօլիցինը, բայց հայերին պատժելու համար «ռուս չինովնիկները» երևի ապօրինի չեն գտնում և կաշառակերութիւնը...

Դրանով սակայն չվերջացաւ պատմութիւնը. մի պատմութիւնից ծագեց մի այլ պատմութիւն: Հաւատացնում են, թէ Թիֆլիզի դատաստանական պալատի աւագ պրօկուրօր Վասիլեւի անմիջապէս հեռագրում է արդարադատութեան մինիստրին, թէ կովկասեան կառավարչապետը «իրաւունք չունէր հեռացնելու ու պարտաւոր անգամներին և նրա այդ վարմունքը ապօրինի է»: Հարածը խիստ էր, որովհետև Վասիլեւի հայ չէր, որ կարելի լինէր հեշտութեամբ լռեցնել: Իշխան Գօլիցին նեղն էր ընկել: Եւ ահա մի օր նա կանչել է տալիս դատաստանական պալատի աւագ նախագահ Վրասսկուն, որպէս զի ստիպի ոչնչացնել այդ բողոքը: Ասում են, թէ նոր էր սենեակը մտել Վրասսկին, որ Գօլիցին բաւական անբաղաքավարի կերպով սկսում է գոռալ նկատողութիւններ անել: Նախագահ Վրասսկին շատ սառն կերպով նկատում է. «Զերդ պայծառափայլութիւն, ես ձեր ստորագրեալը չեմ և բոլորովին ցանկութիւն չունեմ վերաւորանքներ կրելու»... Ասելով այդ խօսքերը նա անմիջապէս դուրս է գնում և, ինչպէս հաւատացնում են տեղեակ անձինք, անմիջապէս հեռագրով գանգատ է ուղարկում մինիստրին իր կրած վերաւորանքի համար: Իշխան-կառավարչապետը միւս օրն է միայն զգում, որ գործը սուր կերպարանք է ստանում. նորից իր մօտ է հրաւիրում Վրասսկուն և ներողութիւն խնդրելով առաջարկում մի կերպ ոչնչացնել պրօկուրօրի բողոքը: «Մեր գործը ընդհանուր է — ասում է նա — մենք ընդհանուր ուժերով պիտի կռենք տեղական թշնամի տարրերի դէմ և այդ պատճառով ես կը ցանկանայի, որ դատաստանական իշխանութիւնը իմ դէմ չգնայ»: Նախագահ Վրասսկին հասկացնել է տալիս կառավարչապետին, թէ դատաստանական պալատի աւագ պրօկուրօրը անկախ իշխանութիւն է, և այսօր բողոք տալով կառավարչապետի որ և է քայլի դէմ, վաղը կարող է բողոք տալ նոյնիսկ իր, դատաստանական պալատի նախագահի դէմ, և ապա ուրեմն ինքը անկարող է որ և է արգելք դնել... Ինչ եղաւ վերջը — չգիտեմ. այսքանը միայն յայտնի է, որ կառավարչապետի կարգադրութիւնը ու պարտաւոր երկու անգամների վերաբերմամբ չքանդեց և ուրեմն այս անգամ էլ նա յաղթեց: ¹⁾

Տեսնում էք ուրեմն, որ տեղական տարրերը և յատկապէս հայերին յետ մղելու համար Գօլիցինի քաղաքականութիւնը ոչ մի միջոցի առաջ խտրութիւն չի դնում: Բայց այդ դառն ճշմարտութիւնը ապացուցանելու համար ինձ գեռ հարկաւոր է կանգ առնել երբ որ քիփաստի, այն է հ ա յ ո ց դ պ ռ ո ց ն եր ի փ ա կ մ ա ն

1) Լսեցի, որ Թիֆլիզի դատաստանական պալատի նախագահ Վրասսկի եւ պրօկուրօր (դատախոս) Վասիլեւի կանչում են այստեղ: Եթէ այս գործի համար է, շատ հետաքրքրական է, թէ ինչ վախճան կ'ունենայ: Սպասենք:

և նրանց կալաւ ծների յափշտակման վրայ, որ տեղի ունեցաւ այնքան վայրենի, այնքան անամօթ կերպով, հակառակ ամէն արդարութեան և օրինականութեան, մանաւանդ կալաւների խելը, որ ցասումն է առաջ բերել զուտ ռուսական շրջաններում իսկ: «Դա բացարձակ յափշտակութիւն է», բացականչում են ամէնքը, լսելով դպրոցների փակման և նրանց գոյքերը գրաւելու սրտաճմլիկ պատմութիւնը: Սակայն, ներքեցէ ինձ, որ ես այդ մասը կը թողնեմ մի առանձին թղթակցութեան, զգալով, որ այս նամակը բաւական երկարացաւ...

Է. ԱԿՆՈՒՆԻ

ՔԱՂԱՔԱԿԱՆ ՏԵՍՈՒԹԻՒՆ

ԹԻՒՐԳԻՈՅ ԵՌԻՐԶԸ

Քիչ մը ուշ թէն:

Գերմանիոյ կայսեր Պօլիս այցին, Պերլինի քողարկան և րէց մը, Նաուսման, Ափրիկէի գերեզմաններուն կարաւանը հետապնդող գիշահետնորդ պէս, շրջիկ կայսեր ընկերացած էր. գուցէ իր աղօթքներով, իր վեհապետին փորձութիւնները քարեխօսելու համար:

Պերլին վերադարձին, քարեմիտ երէցը «Օգնութիւն» անուն կրօնաթերթին մէջ հայութեան պատիւը ցնխոտող կըծըր կըծըր յօդած մը կը հրատարակէ: Այդ յօդածին խօսքերը պ. երէցը քաղած է 19 տարիէ իվեր Թիւրքիա ապրող գերմանացի քրուտէ մը: Ահա այդ յօդածին գլխաւոր կէտերը:

«Թիւրքերը օխ քրին հայերուն, որոնք անխղճօրէն կը շահագործեն անոնց (Թիւրքերուն) հեղգութիւնը, անշահախնդրութիւնը եւ թերհոգութիւնը: Հայը ամէնէն անպիտան հաւատալն է. ան կը ծախէ իր կինը, իր դուստրի աղջիկը, կը սօթտէ նոյնիսկ իր եղբայրը... Անաստուի հայերն ալ վաշխառու են... գերմանացի քրիստոնեաները զուր հայ տղանք կը պահեն, անոնք ալ մէկաշնորուն պէս հանածվարածներ պիտի ըլլան: Հայերուն դէմ ինքնապաշտպանութեան օրինական միջոց չկայ. Թիւրքը արդար պաշտպանութիւնով կը շարժի եւ այլն»:

Ինչպէս կը տեսնենք, քրուտը լեզուն քերնին մէջ դարձող մարդ է. իր խօսքերը արդարեւ տեղ կընան անցնիլ գերմանական արքունիքին մէջ: Ուրիշները աղարտելով առաջ անցնելու ռազմութիւնը գերմանական հում քարոյականութիւնը կըրնայ ծրագրել միայն, մանաւանդ հայոց նկատմամբ: «Արեւելքի մէջ ուր երթանք, Պօլիս, Եփրատ, Եւփրատ, Եւփրատ գերմանական ղեկավարներն մէկը, հայերը մեր քաղաքականութեան միակ ղեկավարներն են»: Կ'աւանդէր հայ պետական մարդոց, որոնք գերմանական ոտնձգութիւններուն արգելք կը շնային ըլլալ:

Երանելի քրուտը պէտք ունէր արդէն իր երախտագիտութեան ապացոյց տալու օսմանեան հիւրասէր երկրին — այն պահուն երբ խաղաղ դանիացիները գերմաններու հողէն այնքան տեւտօնեան կատաղով մը կ'արտաքսէին — քանի որ օսմանեան Ֆէլէկը իր դժբախտ ճոխնները լսելի ըրած ատեն, գերմանական քախտաւոր դուրքը իր կուժերը կը պատրաստէր:

Բայց՝ քրուտը այնքան հետաքրքիր չէ որքան Նաուսմանը, իրօնով ղրումցած գլուխ մը որ ազգի մը դարաւոր արժանապատուութիւնը սեղմնելու մոլեռանդ առաջվազութիւնը ցոյց կուտայ:

Աստածային երէցը, իրենց քրուտին ցնխէ ծառը արտասպելէ առաջ, թող անգամ մը Պօլիս ման գար, դիտէր — բայց ոչ գերմանական զրպարտիչ աշխոյժներով — հոն պիտի տեսնէր որ հայը Պօլիս չէնցող ու գեղազարդող միտքն ու գործունէութիւնը եղած է. այն տեսակ լէշ ու փոճ երկրի մը մէջ անթիւ չկամութիւններու ու խտրութիւններու դէմ, եւրօպական ծաշակը, զաղափարները ցրցնած է: Դուցէ, այն ատեն, պ. երէցը աւելի խղճահարէր գրելու թէ: «Հայերը անպիտան հեղափոխներ են եւ թէ Պօլիսը քարոյապէս պաշտպանէ անոնցմով»:

Ո՞վ կը շահագործէ Թիւրքիան, գերմանները, որոնք գոյնաթաքցող կազմակերպութեան մը պէս կը ծծնեն երկիրը անոր հարստութեան առունները դէպի Գերմանիա վազցնելով, թէ հայերը որոնք 500 տարիներէ իվեր կը տոժվին, կը տաճալին

իրենց նիւթական ու բարոյական քրտինքը ու աչքի լուսը թափելով սուլթաններու ապերախտ աշխարհին մէջ:

Ամօթ չէ՞, որ աշխատութեան երկրի մը մէջ ապրող երէց մը հայ ազգին աշխատասիրութիւնը եւ ծարախկութիւնը գործունէ սկսելէ, շտեմնում ընելով աշքծակութիւնները իր վեհապետին ու վեհապետուհիին, որոնք սուլթանէն բերնովին պահշիշ ուզելու չափ հոգի խոյանքը ունեցան:

Ահա գերմանական բարեկամութեան վարդապետ արշալոյսը: Իսկ հայերուն իրենց կնիկներն ու աղջիկները ծախելու վարդապետութիւնը՝ նոր հերքում մըն է այն պատեան թէ «արեւին տակ նոր քան չկայ»:

Ծով հովիտէ երէցը կայսերական շուքէն դուրս ելլէր պահ մը եւ մարդկային դժբախտութիւններով ալ հետաքրքրէր — ոչ միայն կայսերաւ պաշտօնը հոգինեղով — պիտի տեսնէր որ հայ կիները կոտորածի ատեն առաքինութեան ամէնէն դիւցազնական ապացոյցները տուած են, անծնամապաւնութիւնը անպարզ գերութենէ մը վեր դասելով:

Հայ ընտանեկան պատիւը նախնանքն ու քրտնանքն չափաւորութեամբ չափողոտի: Բայց, աւելի քրտնածնական չէր ըլլար որ ա. նախնանք, թիւրք պետութեան յիմար եւ անօգուտ հեշտանք մը պատճառելու տեղ, իր մոլոր աչքերը վար քաշէր եթերային պարապութիւնէն, ու ժուռ ածէր գերմանական մթնութեան մէջ ուրազձող տոգոյն... առաքինութեան վրայ:

Հակառակ տասնամասնայ «մի շնար»-ին, խարտեաշ գերմանականներին շատերն իրենց զգայապաշտութիւնը կը ծաւալեն գերմանական աշխարհէն դուրս, նոյնիսկ, ինչպէս կը վկայեն, հարեմադրանքով մէջ զաղթականութիւններ կը հիմնեն, առանց զանէ թանհաւազքի պէս քրիտոսոնիայ հայրենիքի կարօտը զգալու...

* *

Նախնանքի հայազգաբար գրածը պատրուակ բնեղով Պօլսի ֆրանսերէն «Սէրվէթ» լրագիրը «Հայեր» վերնագրով հաշտողը յօդուած մը հրատարակած էր, թէ երբ հերքում գերման երէցին եւ թէ հայերը սիրաշահելու փորձաքար մը:

Թրքական աղտաղտուկ ու խաւարակուռ մամուլին մէջ, «Սէրվէթ»-ի փառաբանքները առեղծաւային ու շփացած քան մը ունին:

Նախ՝ կըզգաս թէ խղճի խայթի սարսուռ մը կ'անցնի հոն. բայց այդ զգայութիւնը ծծուած համոտ մը կը ձգէ, երբ ուշով կարդանք այդ գիշերաշուն գրածը, որ արդարութեան թեւակոտր թափահարութիւններով անցեալը քաւելու եւ արիւնի հեղինակները աստուածացնելու փախտի հովերը կ'առնէ:

Երէցները, կ'ըսէ «Սէրվէթ», իբրեւ Աստուծոյ պաշտօնայ ատելութիւնը մարելու ու խաղաղութիւնը թագաւորեցնելու պէտք է ծառայեն... բայց նախնանք իր անժամանակ ու անտեղի հրատարակութիւնով կուզայ պաշտօնութիւն ձգել այնքան քարեքախտօրէն ու շուտօրէն համաձայնութիւն կայացած ժողովրդի մը տարրերուն միջեւ, շտրկել վարչական վեր բարեկամութիւններուն անոր (սուլթանին), որ օսմանեան ազգին գլուխը կենալով այնքան իմաստուն կերպով կը վարէ, զայն խաղաղ յառաջդիմութեան ճամբուն մէջ:

Կը տեսնենք թէ թիւրք գործիները ինքզինքնին ալ կը գերազանցեն երբ ինչորք սուլթանին ներքոյին վրայ է, ըլլայ ան ոճրագործ կամ մեծագործ: Վերի խօսքերը օսմանեան մամուլին մարգրիտներն են:

Ետոյ՝ պատասխանելով թէ ո՛չ հայերը եւ ո՛չ թիւրքերը արժանի են նախնանքի պարստամեքին, կ'աւելցնէ. «Հայ ժողովրդին իր վեհապետին համար անծնեղութիւնն ու օրինապահութիւնը ընաւ չայլալիք». թիւրքերը ընաւ յոռտեա եղած չեն. տուներն էրի, նորէն խաղ կը կանչեն... խղուշի պէս:

«Սէրվէթ» նախնանքին երկու բերան խօսք ըսելէ վերջ, կ'անցնի իր ընդ մտադրութեան, օսմանեան միաժող կայսրութեան մը լոկեայն հրաւերը կ'ընէ բոլոր օսմանեան հպատակներուն, մասնատորապէս հայերուն, որպէս զի անցածը մոռնալով, իրենց փառեշահին մեղայ ըսն ու անոր ոտքերը լզեն, եւ իր բարոյախօսութեան իբր պատգամ կ'աւելցնէ. «Եւթոն եւ վեհանքն ազգ մը (թիւրքերը) կ'արհամարհէ ոհն ու ատելութիւնը»:

Օհա...

Երկրի մը մէջ ուր ատաւէթ քաղը րէզաւէթ տիւրը. բայց ընդոշ ծաղրատունը առած է, արդարութեան ամէն քաղաքաշուրթին պագանքի ու արհամարհանքի արծաղանգ մը միայն կրնայ ունենալ:

Զուր տեղը «Սէրվէթ» արեւնային շփոթները կը ջանայ քնարի վերածել եւ համբաւի թեւերով իր վեհապետին վեհ շնորհները պատմել աշխարհի շուրս հովերուն... Ի՛նչ ալլատեղում անհատի մը կամ պետութեան մը համար, երբ պլեւս ինքնախաբէութեան մէջ կ'ուզէ մոռնալ իր ցաւերն ու վիշտերը, առանց մատը վէրքին վրայ դնելու, կամ կը հեգնէ ինքզինքը սրտաշարժ անգիտակցութիւնով մը:

Հայերը, կ'աւելցնէ «Սէրվէթ» վատան շեշտով մը, դրսէն եկած ծայրերուն շուրմ կ'ընեն ու պիտի շարունակեն աշխատել երկրին բարգաւաճման. եւ կը խոստովանի թէ հայերուն պէս օգտակալ տարր մը, որ մեծմեծ ծառայութիւններ մատուցած է, յիմարութիւն պիտի ըլլար վանել:

Այս անպատեղի եւ դժկամ գիտակցութիւնը օսմանեան ամբարտաւան խաւարամտութեան վրայ շնչին գոհացում մըն է մեզի համար: Թիւրքերը վերջապէս կըզգան թէ հայերը բարոյական մեծ ուժ մը են երկրին: «Սէրվէթ»-ի բռնի համեմատութիւնը հերքէ չէ սակայն հարկը հազարաւոր անմեղներու կակիթը փարատելու, զորս յաւիտենապէս թիւրքերը վանեցին իրենց ծոցէն:

«Սէրվէթ»-ի խմբագրութիւնը իր գրածին լըշուծեան, կըսես, ինքն ալ չի հատար. մտիկ ըրէք սա փէրուշան գրածին, որ իր յօդուածին մասը կը պատճառէ. «Օսմանեան օրէնսդրութեան մէջ յանցաւորը իր պատիժը կըստանայ եւ մեղակիցները անոր հետ կը պատժուին...» թէ իրենց վեհապետը արդարութեան օրինակը կուտայ եղբր ամէն օր...

Մարդուն արիւնը դարձնելու չափ ուժով զաւեշտ մը: Աւելի պայծառ ընելու համար «Սէրվէթ»-ի միտքը, աւելցնենք սա լրբերես հրաւերը Եւրօպային որ գայ եւ տեսնէ թէ ինչպէս «բոլոր օսմանցիները իրենց վեհապետին վերածնութեան մղովին տակ կ'ապրին, նմանը շտեմնած երջանիկ ներդաշնակութեամբ»:

Մեզի կը մնայ մայիլ ըլլալ այս շքնաղ իմացականութեան առջեւ: Բայց չէ՞ որ թիւրք զրազէտները ունեն ու սոխակը երգելու աւելի կոշում ունին: Ինչո՞ւ այդ քնաշեղումը:

Կար ատեն մը — երազ օրերն էին Թիւրքիոյ — ուր Թիւրքիոյ կոյր քախտը ծնաւ քանի մը սրտցաւ փաշաներ, որոնք անկեղծօրէն կ'ուզէին Թիւրքիան վեր հանել իր ծանծեղէն: Այդ սերունդը անցաւ եւ տեղերնին պամպարապ մնաց: Այժմ՝ աւազակներ եւ ոճրագործներ կան միայն: Այդ իմաստուն փաշաներէն մէկն էր Ռաշիտ փաշան, որ առանց յաւակնութեան Եւրօպային «Գիտեմ, կ'ըսէք, իմ կառավարութիւնս անօր է, բայց կը ջանամ որ աւելի գէշ չկառավարեմ»:

Եթէ ողջ ըլլար այդ առաքալային փաշան եւ տեսնէր ողջ «Սէրվէթ»-ը դժոխքը արքայութիւն կ'ընէ, Համիտ էլ Գաթիլ էլ՝ Համիտ էլ Ռաշիտ, հաւանօրէն պիտի ըսէր. «Գիտեմ որ իմ պետութիւնս անպիտան է, բայց յոյս չկայ մարդ ըլլալու»:

«Սէրվէթ»-ի կանխահաճութիւնները, թատերային շարժումները չեն շլացնել մեզ. դողսրտ նախազգացում մը՝ նետոսի պատմութեան ներքեւ կէտէ կը լսիէ գիրքը: Եթէ Թիւրքիոյ շարատանը երազները ըլլային... «Սէրվէթ»-ը ընկուզի կեղեկէն մէջ արեան գետեր կը վազցնէր:

Հայը — որ ընդունակ էր Թիւրքիան ծնեցնելու եթէ արեւելեան մեղեկութեան շրջադէպ — «Սէրվէթ»-ի մոգական զրիշով շուտ չի մոռնար իր վէրքերը, որոնք դեռ թաց են, եւ ի՛նչ ալ Թիւրքիան շատ հեշտութեամբ կընայ զօղել այն անթիւ ազգութիւնները, որոնք շատոնց իր ոլորտէն դուրս նետուած են: «Բաժանեցէք որ տիւրէք», ի՛նչու համեմատելութիւն կը քարոզէք:

Ետեղձ «Սէրվէթ», լէշ կերցուցէք ձեր վեհապետին որ շատ շատ ապրի:

Որքան կ'ուզէ, Թահիր պէյը աստղերը թող քարծրացնէ իր կառավարութիւնը եւ անուշիկ վեհապետը: Բայց աւելի դիւթիւ չէ՞ ձգել զանոնք իրենց արեան լուսապսակով փառաբարւած: Այսպէս աւելի իմաստալից են:

* *

Եղծագէտ պատրիարքը «Սէրվէթ»-ի գրածէն խելայեղ՝ շնորհակալութիւն մը խրկեք է թերթին խմբագրին: Հակառակ ջողային դրութեան ծարապման, ատեն ատեն Օրմանեան արեւելեան նուրբ զգայնութեան մը ապացոյցը կուտայ:

«Սէրվէթ»-ի խմբագիրը, որուն մուսան այնքան համեստօրէն Եւրօպի թաւուտներուն մէջ կը մնաշըշի, հայոց սարսափներուն ատեն իր «Մալիւմաթ» եւ իբր թէ արտասահման հրատարակող «Ղայրէթ» լրագրերով, անարգանք եւ վատութիւն չմնաց որ չթափէր հայ ազգին գլխուն. եւ հիմա այդ միւսիւլման մոլեռանդութեան կամ համիսամութեան տիւրը ստաքեալը, մէկէն խաղաղութեան դափնին կը օքցնէ հայոց ու իր փեկած միմարէին վրայէն շարաւած ու շնորհ պատգամներ կը թափօթի բերնէն:

Օրմանեանը իր անշահ շնորհագրով ապացուց թէ մենք Թիւրքիոյ դժբախտ գերիներն ենք, եւ թէ վիզերնիս ծոած միշտ պիտի լզենք մեզի արգասաւանքի կամ գովութեան քառ մը ըտողներուն ոտքերը: 500 տարի է Թիւրքիոյ վատկութիւնները ըլլանք ու մեր արժանիքի գնահատութիւնը մուրացիկ զարմանքով մը լեցնէ մեզ... որ նոյնիսկ ազգի մը պետը խոնարհ ծառայի մը պաշտօնածեղ աննելով, «Սէրվէթ»-ի շինած լակը ուն:

տեղում չափ նւաստանայ: Եթէ պատրիարքը իր շնորհակալութիւնով կ'ուզէր կաշառել «Մէրվէթ»-ը, որուն գրածը չխախտող զովեւստ մըն է Մեծ Մարդասպանի հասցէին, եւ հետեւապէս հիմնուէ ռէժիմի տեւութեան, ծիծաղելի եւ գոնձ խաղ մըն է: Երբեք թիւերը մէկդի, պատրիարքը որոշ ուղղութիւն մը եւ արդար կուան մը ունենալու է հողաթափներուն տակ: «Մէրվէթ»-ը կը զգայ թէ թիւերի մէջ հոգ կը հոտի: Իրաւ է, Օրմանեանէն յիմարութիւն է պահանջել վերջին օժոյտը, այլ գոնէ քիչ մը անձնապատուութիւն անհրաժեշտ է:

Պատրիարքարանը թագաւորին արեւուն համար աղօթողներու — եւ մօլլաներէն շատ են — օժախն է: Երբ քարեմաղութեան օրեր զան Գուրգէնը, իբրեւ ազգային մանտարէն, պաշտօնին զլուին է. «իդէպ ժամու» կուզայ ազգին նրախտազիտութիւնն ու անհուն ուրախութիւնը յայտնել «յոտս նորին վեհափառութեան»: «Ձէն չէին վան չէին յաշտ առնէ» սրամիտ բացատրութիւնով:

Ցաւազար պատրիարք, որ միշտ կ'ուզէ կատուի պէս չորս ոտքի վրայ իյնալ, ու գերեքնանի կ'աղաներ: Մեր պատրիարքը հրէի մէթօտը բռնած է. մուրալ գուրալ. ամէն թշնամանք մարսել եւ յետոյ ծապուկ լեզուով մը ըսել. «Ձեր սուրը մեր պարանոցը»: Զորորդ դարու հայ կրօնական քաղաքականութեան հետեւելով. թէեւ, ըսողներ կան որ Օրմանեան, սրանուրբ հեզնութիւն մըն ալ կը դնէ իր փորսող նւաստութեանը մէջ: Խը մ'ալ լ Օրմանեան:

ՆՈՒԲԱՐ ՓԱՇԱ ՆՈՒԲԱՐԵԱՆ

Լրագիրները հաղորդեցին արդէն Նուբար փաշայի մահը: Հանգուցեալը բաւական յայտնի մարդ էր. այդ հանգամանքը մեզ վրայ էլ պարտականութիւն է դնում յայտնել մեր կարծիքը նրա մասին:

Նուբար փաշան ծնւել է Իզմիրում 1825-ին: Նրա երկարատե գործունէութեան ասպարէզը եղել է Եգիպտոսը, ուր նա դեռ 20 տարեկան հասակում ազգական կապերի շնորհիւ սկսեց արդէն աչքի ընկնող պաշտօններ վարել եւ վերջապէս ժամանակի ընթացքում հասաւ նախարարի բարձր աստիճանին: Իր գործունէութեան ժամանակամիջոցում Նուբար փաշան հանգամանքների շնորհիւ մի քանի անգամ ստիպւած եղաւ թողնել պաշտօնը եւ հեռանալ Եւրոպա, իսկ 1895 թւից նա վերջնապէս հեռացաւ քաղաքական ասպարէզից եւ իր կեանքի վերջին տարիները անց կացրեց Պարիզում, ուր եւ վախճանեց 74 տարեկան հասակում, թողնելով իր ժառանգին, լրագիրների ասելով, 150 միլիոն ֆրանկի չափ կարողութիւն:

Այդ ահագին հարստութիւնը — մեզից բոլորովին անկախ եւ նոյնիսկ մեր կամքին հակառակ — կարծես մի տեսակ սուեր է ձգում հանգուցեալի յիշատակի վրայ, առաջ բերելով այն բնական հարցը թէ՛ ինչպէս եւ ինչ միջոցներով են կազմում այդպիսի ահռելի հարստութիւններ: Սակայն դրա հետ միասին անուրանալի է, որ նա նւիրել է Եգիպտոսին իր բոլոր խելքը, միտքը, ընդունակութիւնները, երիտասարդութեան ամբողջ թարմութիւնը, չափահաս մարդու հրմտութիւնը, մի խօսքով՝ իր ամբողջ կեանքը, իր ամբողջ «նես»-ը: Եւ ահա այսօր նրա մարմինը ամենայն իրաւամբ յանձնւում է նոյն եգիպտական հողին, որը նա այնքան սիրում էր եւ որի յառաջագիւծութեան ու բարգաւաճման պատմութեան մէջ անշուշտ նա մի շատ պատկառելի տեղ պիտի բռնի:

Մեր նպատակից բոլորովին դուրս է հետեւել քայլ առ քայլ եւ արձանագրել այստեղ Նուբարի ամբողջ

գործունէութիւնը Եգիպտոսում: Եւրոպական մամուլը ընդհանրապէս մեծ գովեստով է խօսում Նուբարի մասին, իսկ մի քանի լրագիրներ նրան դասում են մեր դարի առաջնակարգ քաղաքագետների շարքը: Այդ գործունէութեան նայելով՝ իսկապէս Նուբար փաշան կանգնում է մեր առջեւ իր խոշոր հասակով, իբրեւ մի ուժեղ անձնաւորութիւն, օժտւած բազմակողմանի հարուստ ընդունակութիւններով:

Այդպէս է ահա Նուբար փաշան իբրեւ մի համաշխարհային քաղաքացի: Ով բաւականանում է այս տեսակետով, նրա համար այլևս ասելիք չունենք: Բայց մենք չենք կարող մոռանալ, որ Նուբար փաշան ծագումով հայ էր ու հետեւապէս պէտք է որոշ պարտականութիւններ ունենար դէպի իր ազգը, դէպի այն ժողովուրդը, որին նա պատիւ ունէր պատկանելու: Նրա ամբողջ գործունէութիւնը, որքան էլ բեղմնաւոր ու օգտաւէտ լինէր Եգիպտոսի համար, չի կարող այնուամենայնիւ բաւարարութիւն տալ՝ մանաւանդ ներկայ պարագաներում՝ հայկական կեանքի արդար պահանջներին, եւ հայ մարդը ցաւ պէտք է զգայ, որ այդ ուժեղ խելքը, Նուբար ու ճարպիկ քաղաքագիտական ձիւքը եւ առհասարակ այդ անպայման հարուստ ընդունակութիւնները ծառայել են բացառապէս Եգիպտոսի յառաջագիւծութեան, նրա քաղաքական-կուլտուրական բարգաւաճման եւ բոլորովին անօգուտ են անցել հայկական կեանքի համար:

Այդ պակասի շնորհիւ Նուբարի պատկերի մէջ հայ չի երևում: Ծնւելով հայ՝ նա օտարութեան մէջ օտարներով շրջապատւած անցրեց իր կեանքը, նա իր համար նոր հայրենիք գտաւ, որ կլանեց նրա բոլոր ուժերը, նրա ամբողջ էութիւնը, մոռացնել տալով թշաւութեան ծայրը հասած բնական հայրենիքը: «Հայաստան երբեք եղած չէ, կամ այնքան քիչ, որ նշանակութիւն չունի, բայց հայ միշտ եղած է, եւ միշտ պիտի ըլլայ», — ահա՛ նրա ազգասիրական ամբողջ դաւանանքը: Զարմանալի չէ ուրեմն որ, երբ այդ հայութիւնից օտարացած մարդու վերջալոյսին տարօրինակ ուժգին կերպով բռնկեց յանկարծ հայկական կեանքը, հրապարակ հանելով մի շարք լուրջ ու ծանրակշիռ հարցեր, նա իր արդի դրութեան մէջ անկարող եղաւ հասկանալ ու բաւարարութիւն տալ նրանց: Մի վճռական քայլ էր հարկաւոր, մի համարձակ թուիք՝ հայկական նորագոյն պատմութեան մէջ լաւագոյն էջերից մէկը գրաւելու համար, բայց նրա մէջ չկար, բացակայում էր ամպերի հետ խօսող Մովսէսը, վեր-վեր, դէպի երկինք սլացող հոգին... Ճիշդ է, եղան քույրներ, երբ նրա մէջ էլ կարծես պարթնում էր ազգայնական զգացմունքը, բայց անմիջապէս այդ բարձր զգացմունքները մանր անձնական փառասիրական ձգտումների էին վերածւում ու հայկական աւերակների վրայով թռչող բարենորոգչի միտքը դէպի «նեղոսի ափերն էր ուղղւում»...

Թերթերով հայկական շարժման վերջին 20 տարւայ պատմութիւնը, մենք մի քանի անգամ հանդիպում ենք Նուբար փաշայի անուն: Առաջին անգամ Նուբար փաշան հրապարակ եկաւ հայերիս համար Բերլինի վեհաժողովի ժամանակ: Ռուս-թիւրքական պատերազմը նոր էր վերջացել, ազատւած անկախ Բուլղարիայի կառաւ վարչի հարցն էր զբաղեցնում քաղաքական աշխարհը:

Նուբարը, որ այդ ժամանակ Եգիպտոսից հեռացած Պարիզ էր ապրում, այդ պաշտոնի համար գրել էր իր թեկնածութիւնը և իբրև թեկնածու բնականաբար ջանքեր էր անում իր նպատակին հասնելու, և գուցէ հասնէր իսկ, բայց ուստի կառավարութիւնը ուրիշ մարքեր ունէր... Իշխան Գորչակովի ասելով՝ հայ կառավարիչը, որքան էլ նա արժանաւոր լինէր, սլաւոններին չէր կարող բաւարարութիւն տալ... Նուբարի հաշիւները այդպիսով իգերև ելան, բայց նրա համար միաժամանակ բացւում էր մի նոր ասպարէզ. Բուլգարիայում կառավարիչ լինելու յոյսը կորցնելուց յետոյ՝ Նուբարը սկսում է երազել նոյնպիսի պաշտոն ստանալ Հայաստանում. նրա երևակայութեան մէջ նոր նոր պատկերներ են առաջ գալիս. հայկական նահանգների կառավարչի դերը սկսում է կամաց-կամաց հրապուրել նրան, գրգռել նրա իշխանասիրական ախորժակը: Եւ ահա նա պատրաստում է այդ նահանգների համար բարենորոգումների մի ծրագիր, ուղարկում է Բերլին հայ պատերազմներին և խնդրում, որ «ազգի» կողմից իրեն յանձնէի Բերլինի վեհաժողովում ներկայացուցիչ հանդիսանալ և այդ ծրագիրը պաշտպանել: Սակայն Ներսէս վարժապետեանը տարբեր մտքերով էր ապրում: Ազատութեան փրկարար հողին էր փռում կրծքերը ուժգին կերպով բարձրանում, իջնում էին և Ներսէս իր մտաւոր աչքերի առաջ՝ եթէ ոչ անկախ Հայաստանի ուրուականն էր տեսնում, գոնէ երազում էր նա իր դժբախտ հայրենիքը անտանելի հարստահարութիւններից վերջապէս ազատ տեսնել:

Նուբարի ծրագիրը, որ Ներսէսի կարծիքով այն ժամանակայ տենչանքների տեսակէտից շատ համեստ պէտք է համարէր,—բնականաբար չէր կարող գոհացում տալ Ներսէսին:

Աւելորդ չէ արձանագրել այստեղ նոյնպէս L'Arménie թերթի այն տեղեկութիւնը, որին նայելով թիւրքամուլ Բիկօնսֆիլդը Նուբար փաշայի հետ հայկական բարենորոգումների մասին խորհրդակցելուց յետոյ՝ յայտարարում է լորդերի պալատում թէ «փոքր Ասիայի քրիստոնեաներին երջանկացնելու համար բաւական է բարենորոգել տաճկական դատարանները»:

Նուբարի այդ ոչ անմեղ միտքը, որ շատ թափանցիկ և պարզ կերպով միմիայն իր թեկնածութիւնը գնելն էր նշանակում, մեզ թւում է որ յամենայն դէպս կարող էր միմիայն վատ տեսակի ծառայութիւն անել հայկական դատի համար, մանաւանդ այնպիսի հրէշի ձեռքում, ինչպիսին Բիկօնսֆիլդն էր:

Անցան տարիներ... Մի ամբողջ ողբերգութիւն՝ մի քանի արարւածներով՝ անցաւ հայի գլխով և երբ 1896 թւին հայկական նահանգների կառավարչի հարցը նորից ծագեց, լրագիրների մէջ Նուբարի անունը նորից երևան եկաւ և անցաւ...

Մենք բոլորովին միտք չունենք հերքելու, որ երբ ծայրէնայր ալեկոծւեց հայկական կեանքը ու մեր հայրենիքը պատմութեան մէջ չլաւած ու չտեսնւած դժբախտութիւնների ասպարէզ դարձաւ, փաշան էլ կարող էր ճնշող տպաւորութիւնների ենթարկւել, և ո՞վ է նա, որի սիրտը, որի միտքը չճնշւէր, չճմլէր այդ ողբերգութեան ընթացքում, բայց այդ չհերքելով հանդերձ հարցնում ենք՝ ի՞նչ արեց այդ տագնապալից ծանր ձգնաժամին քաղաքական աշխարհում բաւական կապեր ունեցող

մեծանուն Նուբար փաշան, 150 միլիօն ունեցող հայ փաշան. կատարեց արգեօք նա իր պարտականութիւնները դէպի այն ազգը, այն ժողովուրդը, որին նա պատկանում էր, որի մի մասն էր կազմում և որը խեղդւում էր իր զաւակների արեան հեղեղներում: 2է. փոխանակ շանթաւածի պէս անմիջապէս հրապարակ նետւելու ու իր մեծ ընդունակութիւնները, վիթխարի կարողութիւնը ու հանրածանօթ անունը այս կամ այն ձևով մորթաւ հայրենիքի մորթոտաւ զաւակների օգտին ծառայեցնելու, փաշան... խոհեմաբար լռում է ու իր ամբողջ հայրենասիրութիւնը նրա մէջն է տեսնում, որ իր դուռը եկած մի խումբ «մուրացկանների» — իսկական մուրացկանների — նիւթական նպաստներ է տալիս ու նոցանից մի քանիսներին՝ իր հարուստ թւի տակ առնելով՝ նիւթականից զատ հոգւոր սնունդ էլ է մատակարարում... մեր նորագոյն պատմութեան առաքեալներին ոտնակոխ անելու չար դիտաւորութեամբ... Թող օտարազգի հասարակական կարծիքը, օտարազգի թերթերը գովեն, փառաբանեն Նուբարի անունը — ի՞նչ փոյթ. նոքա հայի ցաւերը, հայի դարդերը չեն հասկանում և չեն էլ ուզում հասկանալ բայց մեզ թւում է՝ սխալած չենք լինիլ, եթէ ասենք, որ այդ մահը հայի համար ոչ մի կորուստ չէ, որ այդ մահի առթիւ հայ ազգը չի թափիլ և ոչ մի կաթիլ արցունք:

Հայ ծնեց Նուբարը — օտար մեռաւ. մեծ կարող էր լինել — փոքր մեռաւ...

Ահա այն շարժառիթները, որոնց հիման վրայ մենք, հակառակ մեր հայ մամուլի ընդհանուր կարծիքին, պնդում ենք որ Նուբար փաշան ու նրա պէս մարդիկ հայ կեանքի վերաբերմամբ դրական երևոյթ չեն ու հետևապէս անարժան են ազգային ցաւակցութեան: Եւ ինչ էլ ասեն — հայկական պանթէօնի զարդը՝ Ներսէս վարժապետեաններ, Բաֆֆիններ ու նոյն ոգով նոյն շաւղով գնացող յեղափոխական լաւագոյն տարրը — այդ վեհանուն, անանուն ինքնագոհները ը մնան. Նուբար փաշաներ և նրա պէս այլ «մեծանուն» մարդիկ այնտեղ տեղ չունեն և չեն կարող ունենալ: Անաչառ ու անկողմնապաշ պատմութիւնը կշռելու միայն մի չափ ունի ամէնքի համար. *Suum cuique*:

Մ Ա Մ Ո Ի Լ Ի Տ Ե Ս Ո Ի Թ Ի Ի Ն

ՄԵՆ ՄԱՐԴԱՆՑ ՓՈՔՐԻԿ ԴԱՏԱԽԱՋԸ

(Ծարուսակութիւն N° 1-ի)

Թող չկարծւի, թէ մենք դէմ ենք խիստ քննադատութեան:

Ընդհակառակը: Մենք ամենաշեղծ կուսակիցներ ենք լուրջ քննադատութեան, որովհետեւ ստեղծագործիչ գաղափարական հաւատից յետոյ տարրալուծող քննադատութիւնն է այն ոյժը, որով յեղափոխութիւնը կերպարանափոխել է, կերպարանափոխում է և պիտի կերպարանափոխի կեանքը ամէն տեղ:

Բայց հօ չի կարելի քննադատութիւն համարել ամէն մի յօդուած, որ հեղինակը բարեհաճիլ է այդպէս անուանել, և քննադատ՝ ամէն մէկին, որ մի գլուխ ունի ուսերի վրայ և երկու ձեռք, որոնցով կարող է՝

պ. 20 պանեանի նման՝ բռնել այդ գլուխը— «երկիւղածօրէն, անկեղծօրէն» կամ՝ աւելի ճիշդ ասած՝ ամբարտաւանօրէն և փարիսեցիօրէն խորհրդածելու համար մեր նորագոյն պատմութեան ամենակարեւոր հարցերի մասին:

Կրկնում ենք, մենք դէմ չենք խիստ քննադատութեան: Մենք չենք ուզում կուռք դարձնել ոչ մի պատմական գործի և տարօրինակ կը լինէր մեր կողմից պաշտպանել անսխալականութեան սկզբունքը որեւէ մարդու վերաբերմամբ, բայց կարելի է միթէ հերքել այնպիսի ճշմարտութիւններ, թէ ներսէս Վարժապետեան, Բաֆֆի և ուրիշ նրանց նման գործիչներ բացել են մեր պատմութեան մէջ այնպիսի փառաւոր էջեր, որոնցից լաւը նա երբեք չի ունեցել և մարմնացրել են իրենց մէջ իղձեր, որոնք ամբողջ ազգի իղձերն են եղել: Կարելի է արդեօք չխոստովանել, թէ յեղափոխական կուսակցութիւնը ապրել է միշտ ժողովրդի ցաւերով, անթիւ մահեր է տւել նրա ապագայի համար և նրա ամենաստոր խաւերից հերոսներ է դուրս բերել ամենասուրբ գործի համար, որ երբ և իցէ ոգևորել է հայերին:

Եւ ահա երբ մի որ և է 20 պանեան աշխատում է հաւատացնել, թէ հայկական շարժումը, սկսած ներսէս պատրիարքի՝ Բերլինի վեհաժողովին դիմելուց, վիթխարի սխալների և աններելի ոճիրների մի շարք է եղել, երբ նա յանդգնում է ներսէս Վարժապետեանին տղայամիտ համարել, նրա համախոհներին ապուշ և Բաֆֆին խենթ, երբ նա չի ամաչում ձգել յեղափոխականների երեսին այնպիսի մի հրէշային մեղադրանք, թէ հայկական ահաբեկի կոտորածների ժամանակ նրանք ոչ միայն ամենեւին ցաւակցութիւն չէին զգում դէպի արեան մէջ լողացող ժողովուրդը, ոչ միայն ոչ մի բոպէ քունները չէին փակցրել, այլ և ուրախ էին, Ժպտուն և զւարթ, հայր, զ ու ա թ, — կարծում ենք, կատարեալ իրաւունք ունենք համարել նրա գրածները ոչ թէ լուրջ քննադատութիւն, այլ վայրահալ պարսաւաբանութիւն, որի մասին ընթերցողին կարող է գաղափար տալ հետագայ օրինակը:

Խօսելով այն ճառի մասին, որ ներսէս Վարժապետեան արտասանեց ազգային ժողովում Բերլինի վեհաժողովից յետոյ՝ պ. 20 պանեան ասում է.

«Կարելի չէ երեւակայել աւելի տղայական, աւելի ուռուցիկ, աւելի ցաւազին կերպով ծիծաղելի բան մը. պարզեւարաչխութեան ճառ մըն է: Ինչպէս դամբանական մը պէտք էր»:

Այնուհետեւ իր խօսքերով հեգնօրէն բանաձեւելով այդ ճառը, որ, ինչպէս ինքը խոստովանում է, ձեռքի տակ չունի, ¹⁾ նա շարունակում է.

1) Եթէ պ. 20 պանեան ձեռքի տակ ունենար ներսէս պատրիարքի ճառը ու այն ճառը, որ Անգլիայի պետական բարոտղարի օգնական լօրդ Մանդլըն արտասանել էր լօրդերի ժողովում, և ուսումնասիրէր այն շրջանի պատմութիւնը, որ քննադատում է, նա կը համոզւէր, որ ներսէս պատրիարք շատ հիմքեր ունէր լաւատես լինելու: Բայց պ. 20 պանեան կարծում է, թէ ուսումնասիրութիւնը պարտադիր է միայն ուրիշների համար, իսկ ինքը կարող է խօսել «հոգում սրբով»: Այդ տեսակէտից շատ քննադատ է այն հանգամանքը, որ պ. 20 պանեանի ահազին յօդաւորում չի քննարկում ոչ մի վաւերագիր (մինչեւ անգամ 61-րդ. յօդուածի բնագիրը, որ նա աղաւաղած է յիշատակում) և որ նրա բոլոր մեղադրանքները հիմնւած են միայն ասէկօսէների վրայ — «կըսէր», «կըսեն», «ըսած է» և այլն, որոնք բոլորն էլ նշանակաւ ծիծաղ են, որքան ևս այն, թէ «թերման Զարին արքունիքին մէջ մեծ համակրութիւն կը վայելէ» կըսեն:

«Որպէս զի չըսուի պատմութեան մէջ թէ ամբողջ հայ ժողովուրդը ապուշ է, գանուկցան երկու երեք անձեր, ժողովրդական կուսակցութիւնն, որոնք այդ տխուր ժողովի մէջ սրատեսութիւնը եւ քաջութիւնը ունեցան այդ ճառին դէմ բողոքելու. այդ անձերը զպայույնի թէ ներսէս պատրիարք ընթացք ունեցած էր իր ազգին ամէնէն կենսական գործը քանի մը էֆէնտիններու հետ միամիտակր կատարելով, թէ պարզապէս գործիք եղած էր թիւրք կառավարութեան նպատակներուն, թէ փախցուցած էր թանկագին առիթ մը որուն պէս ազգերը քիչ անգամ կ'ունենան, և թէ բոլոր այդ դէպի հայաստան հրաւերը (ներսէսի կողմից) ծագելիս ստուծիւն մըն էր: Այդ անձերը իր աւուշը ունէին ին» (Անահիտ), № 3, կր. 92):

«Ստախօսների յիշողութիւնը կարճ է լինում», ասում է առածը, և պ. 20 պանեան մոռացել է իհարկէ, որ «Անահիտ»-ի առածին տետրում ինքը գրել է հետեւեալ տողերը.

«Ինչպէս էր որ կենսունակութեան այս ջերմ ցայտումէն (առեւահայերի եւ տաճկահայերի բարոյական քաղաքական վերածնութիւնից) յետոյ, ժողովուրդը, մղուած մանաւանդ համարախոս ուրիշ ազգութիւններու փրկութեանը փորձիչ օրինակէն, ցանկար այդ բարոյական ազգային շարժումը իր տրամաբանական եղբայրակցութեան հասցնել: Այս իղձը ընդհանուր ազգին իղձը եղաւ. և վայն իրագործել փորձելու սխալները ոչ թէ երիտասարդներն էին, այլ ժողովուրդին ամէնէն ծանրախոհ մասը. Պատրիարք, վաճառականներ ու դիւանագէտներ յանդիմանեցան առաջին քայլը առնել. անոնք ներկայացուցին ազգին բողոքը, քրիստոնեայ Եւրոպային, անոնք բացին ժողովրդին ազատ կեանքի մը հեռանկարը...» (№ 1, կր. 2):

Այդպէս ուրեմն նոյեմբերին պ. 20 պանեան ոչինչ չունէր նրա դէմ, որ ներսէս պատրիարք դիմել էր «քրիստոնեայ Եւրոպային», Բերլինի վեհաժողովին, բայց յունւարին նա այդ դիմումը համարում է բոլոր սխալների սկիզբը և բոլոր ոճիրների հիմնաքարը: Նոյեմբերին ներսէս ժողովրդի «ամէնէն ծանրախոհ» անձերից մէկն էր, բայց երկու ամիս յետոյ նա դառնում է տղայամիտ, նոյեմբերին՝ նա ազգի բողոքի արտայայտիչն էր, իսկ յունւարին՝ «թուրք կառավարութեան նպատակներուն գործիք»: Նոյեմբերին՝ նա «ամէնէն ծանրախոհ» վաճառականների և դիւանագէտների հետ անբեց առաջին քայլը իրագործելու համար այն իղձը, որ «ընդհանուր ազգին իղձն» էր, իսկ յունւարին դուրս է գալիս, որ նա «պատրիարք ընթացք ունեցած էր իր ազգին ամէնէն կենսական գործը քանի մը էֆէնտիններու հետ միամիտակր կատարելով», և որ նրա գործունէութեան հաւանողները ոչ թէ ամենածանրախոհ մարդիկ էին, այլ ապուշներ...

Այսպէս են ահա երբեմն գրում անաչառ և լուրջ քննադատութիւնները:

«Խ Ա Յ Ը»

(ՆԱՄՈՅԻ ՅԻՇԱՏԱՅԻՆ 1)

Ցուրտ էր, ձմեռ, բուք-բորան. գիշերն էլ այնքան խաւար էր, այնպէս սարսափելի, որ լեռնային Օ. գիւղում մարդիկ այդ ժամին էլ չէին յիշում, թէ իրենք

1) Նախօ՝ Նահապետ Եղիազարեանն է, Նահապետեան 1898 Յոկտեմբեր 14 (26)-ին Մալաթի մէջ: Տես նաեւ «Դրօշակ»-ի 1897 № 1 կր. 7.

երբ և իցէ օր ու արեւ, լոյս ու ջերմութիւն, պարզ երկինք տեսել են, թէ ոչ: Քամի էլ կար, բայց ինչ քամի, ասես թէ մահու աշխարհից էր փչում, որ իր վզով զոցի մէջ ինչ որ սարսուռ ազդող, չարափուշակ բան ունէր. ձիւնի հետ խաղում էր, բայց այդ խաղը գիւական էր. լիզում էր առարկաները, բայց իր շունչը մահացու էր: Խօսմ մենակ մարդիկ չէին, որ մըսում էին, այլ ամբողջ Օ. . գիւղը ասես իր բոլոր խրճիթներով, իր խոտի դեզերով, իր ամբարի կոյտերով դողում, սըթթում էր այդ թանձր խաւարի մէջ, այդ դժոխային քամու առաջ, և դժւար էր գիտենալ, թէ այդ դողը միայն ցրտի, թէ՞ նաեւ եւ երկիւղի դող է: Ախր գիւղը վախենում է բնութիւնից, և ինչպէս է վախենում, նա սարսափում է. ամպրոպն ու կայծակը, քամին ու փոթորիկը նրա համար խօսմ բնութեան անմիտ, անխորհուրդ խաղեր չեն, հապա նրանք գալիս են որիշ վարհուրելի նպատակներով. այդ գիտի գիւղացին, ինչպէս չգողայ: Դեռ լաւ որ կայծակի դէմ՝ խաչի նշանը կայ, իսկ բուրբուրանի դէմ՝ տաք գոմը կայ, սաքուն կայ:

Վճ, վճ, վճ, — ունում էր քամին և ամէն անգամ այդ զարհուրելի կաղկանձոցի հետ Մէլիք-Շահինի սաքուի երկու կողմի բազմականները դադարում էին խօսելուց, ցած էին աւնում բերաններից չիբուխները, իրար երես էին նայում և նոյնիսկ մի ներքին պահանջ զգում իրար աւելի մօտ գալու, աւելի կուչ գալու: Տէր Աստած, ձիւնը լաւ, ցուրտն էլ իր տեղին, բայց այդ քամին, ինչ էր ուզում այդ սարսափելի քամին, այն ինչ էր ասում: Ոչ որ չէր համարձակում բարձրաձայն բացատրել այդ հաւանոր տարերքի լեզուն, բայց ամէնքն էլ լաւ հասկանում էին. դա ամէն մէկի համար ճակատագրի հսկայական երգն էր, որ քամին, այդ յաւիտենական ուխտաւորը, հիւսել է աշխարհի ցաւերից, թողի հառաչանքից, անգորի ճիւղից, թշուառի լացից, խեղճի աղերսից, ոչ մի ցաւոտ հնչիւն չի մեռել անսահմանութեան մէջ. ամէնամեղմ, սրտաճմրիկ մրմունջներից սկզած մինչև լեռնազոզորդ գոչիւնները, իրեն հաւատարիմ աւանդապահ, հաւաքել է քամին իր եթերային ծոցում, և մերթ շրթայում է բարձրագոյն լեռների կատարներին ու լայնածաւալ խաւար այրերի մէջ, մերթ բաց է թողնում, որ ցած գան, հնչեն աշխարհի վրայ, ցաւոտ ու սպառնալից ձայներ հանեն, խօսեն մարդկանց սարսափած ականջներում անխուսափելի ճակատագրից. . . Այսպէս էին մտածում սաքուի մէջ սարսափած գեղջուկ գլուխները: Ահա թէ ինչու քամու որոտը իւրաքանչիւրի համար մի զարհուրելի համերգ էր, որի մէջ կար և մեռելների հաւաք, և սատանաների ճիւղ, անձոռնի կանչաւորոց, և քաղցած գայլի ունոց, չէ՞ որ սրանք ամէնքն էլ սիրում են բուրբուրանին դուրս թափել իրենց ապաստարաններից՝ բնութիւնն աւելի սարսափելի դարձնելու համար իրենց անձոռնի աղաղակներով: Օ, ինչ աղաղակներ, մազեր էին դիզանում, լեզու էր չորանում, շունչ էր բռնում:

Վճ, վճ, վճ, ըզզ. . . Քամին էլ աւելի սաստկացաւ, սաքուի կտուրն այժմ ճռճում էր, երբեմն էլ ասես թէ մէկը ոտքով էր թակում:

— Ա՛հ, դժոխք է դուրսը, ասաց նստողներից մէկը խօսած լինելու համար. դուշմանս հիմա սարում չլինի:

— Սարճում, պատասխանեց մի ուրիշը հեգնութեամբ. սաքի թէ դու ջան կ'անես հիմա մինչև մեր այգիները

գնալ, որ սարերից ես խօսում. չն՞ս լսում ձայները. . . երկինք-գետինը իրար է դիպել է՛հ. . .

Վրկին լուութիւն տիրեց. խօսել չէր լինում, մտածելու շատ բան կար:

Գոմի դուռը հանդարտ ճռռաց. ամէնքը դէպի այն կողմը նայեցին. կիսախաւարի մէջ գճագրուց մի մարդու հասակ, որ ետփունչու մէջ կողուած ներկայացնում էր մի ձիւնակոյտ. պարզ էր, որ մարդը երկար ժամանակ բքի տակ էր մնացել:

— Բարի երեկոյ, ասաց նորեկը, թափ տալով եռափունչու վրայի ձեան հաստ շերտը:

— Ասածոյ բարին, վա՛յ խեղճ խայ, արի՛, արի՛, առաջ անցիր, տնաչէն փէտացար— ձայն տւին սյս ու այն կողմից՝ նստողները սրտացաւ եղանակով— խային տեղ տւէք, թող նստի:

— Հա՛, վալլահ փէտացայ, ասաց նորեկն առաջանալով, էլ դուրսը մնալու ճար չկայ, ասես թէ երկինքը փուլ է գալիս, գիւղի մէջ էլ մարդ խելդւում է. ձիւն ու քամի. օ՛, ինչ բուրբ է. ինչ բուրբ է. ասացի մտնեմ սաքուն, տաքանամ, դուրս ելնեմ:

Մարդը նստեց:

Բուխարու վերև, փոքրիկ մրոտ ակնատի մէջ՝ հանդարտ պլպլում էր ձէթի ճրագը. նրա աղօտ բոցն օրօրում, գողգողում էր դանդաղութեամբ, ասես թէ նա էլ էր վախենում քամու վզզոցից. բայց էլի մի խղճուկ լոյս կար, այնքան, որ թանձր փափախներէ ստերների տակ մի քանի դէմքեր գծագրւում էին. նորեկի վրայ էլ ընկան մի քանի դողդոջուն, դեղնադոյն շողեր. գեղջուկ մի դէմք էր այն, ուր չարքաշ կեանքը դրել էր իր կոշտութեան կնիքը, իսկ ցաւերը բուն էին դրել հաստ կաշւի խոշոր ծալքերի մէջ. երիտասարդ մարդ էր, բայց երևում էր, որ շատ էր ապրել. թանձր բեխերի տակ երևում էին երկու հաստ շրթուքները պինդ իրար վրայ սղմած, որ տալիս էին նրա դէմքին յամառ արտայայտութիւն. աչքերը մանր էին, բայց շարժուն, կրակոտ: Գիւղի պահապանն էր նա, վարձւած գիշերապահը: Դիւայ՝ — եր շատ կային Օ. . գիւղում, գնացին. այս մէկը մնաց ուշացած կռունկի պէս. մուրալ չուզեց, պահապան եղաւ. տեղացիք անունը լաւ չգիտէին, նախօ կանչելու տեղ՝ ոմանք Միսօ կանչեցին, ոմանք էլ Միսօ ասացին, բայց վերջիվերջոյ՝ խօսքերը կարծես մէկ արած՝ սկսեցին պարզապէս Դիւայ՝ կանչել: Այսպէս լաւ էր, հեշտ էր. համ էլ՝ իրաւ որ նա Դիւայ՝ էր, որովհետև Հայաստանցի էր, Ողմը գիւղացի: Ահա այս Դիւայն էր, որ մի անկիւնում պատի տակ տեղ գրաւեց, կծկեց, տաղ արեց. սաքուն տաք էր:

Բուրբ շարունակում էր. կատաղի քամին վիրաւոր գազանի պէս մոնչում էր, ունում էր:

— Այսպիսի գիշերւայ է ուստ եկել խեղճ ողորմելին հա՛— ասաց ռէս Գեվօն— էլ ինչ հողը տար գլխին: Խօսքը մի գիւղացու մասին էր, որ մի քանի օր առաջ լեռներում բքի բռնելով՝ խեղդուել էր:

— Քանի՛ ասինք մի՛ գնա, էս ձիւն ու ձմրանը չօլեռը մի ընկիր, կնիկ՝ երեխայի տէր ես, վրայ բերեց միւսը:

— Է՛, ինչ ես անգէտ. անգէտ խօսում, մարդի ճակատին էն էր գրւած, ասաց Մէլիքը. նա պիտի գնար, նա պիտի խեղդւէր. ճակատագրից ո՛վ կարող է փախչել:

— Իրաւ, իրաւ, Մէլիք, ասացին մի քանի հոգի, ճաշ կատի գրածը չի ջնջւի:

Ճակատագիր, ամենազոր կոյր ճակատագիր. . . Գիշեր-
ւայ այս զարհուրելի ժամին, կիսախաւար, գետնափոր
սաքուռ, քամու այս անձուռնի գողոցի տակ, որ սար-
սափելի բաներ էր պատմում՝ այդ կոյր զօրութեան մա-
սին, դժւար էր խօսակցութեան աւելի յարմար նիւթ
գտնել: Իւրաքանչիւրն իր դիտողութիւններն արեց այդ
մասին. ամէնքն էլ հասան այն եզրակացութեան, որ
մարդը խաղաղութեան ճակատագրի քմահաճութիւն, որ նրա
առաջ անզօր են մարդկային բոլոր հնարքները, նրա
բոլոր խելքը, եռանդը, աշխատանքը:

— Ես ճակատագրին չեմ հաւատում, ասաց մի ձայն
սաքուռի մի անկիւնից:

Ամէնքի հայեացքները դարձան դէպի այն կողմը. . .
Զարմանքն ընդհանուր էր:

— Ո՛վ է այդ «սփռահան», ասաց Մէլիքը հեգնու-
թեամբ:

— Ծառագ եմ, ե՛ս եմ, Մէլիք. ես ճակատագրին
չեմ հաւատում, կրկնեց նոյն ձայնը յամառութեամբ:

Մարդիկ չգիտէին ծիծաղե՞ն, թէ զայրանան. ճակա-
տագրի ամենակարող ուժին չհաւատացողը ողորմելի
«խայ»-ն էր:

— «Էծերի քոսոտը կը կտառղիւն, սուտ չէ ասած,
մոռաց Մէլիքը կէս հեգնութեամբ, կէս բարկացած: Իս-
կապէս ամէնքն էլ զայրացած էին. և ինչպէս չզայրա-
նային. Մէլիքը, հարուստ, զօրեղ Մէլիքը՝ հաւատում էր
ճակատագրին, վախենում էր նրանից. ուէս Գէվոն, որի
ճիպօտի առաջ բոլորը դողում էին ինչպէս ուռի տե-
րւենք, սարսափում էր ճակատագրից. տէրտէրը խօ՛
ինչ քարոզէր, վերջը ճակատագիրն էր. ամէնքն էլ ընկ-
ճած էին այդ աներեւոյթ զօրութեան առաջ, ամէնքն
էլ սոսկում էին նրանից, մէկ այս ողորմելի, քնձուռտ
«խայ»-ը ճակատագրին չէր հաւատում, չէր վախենում
նրանից:

— Այո՛, ես չեմ հաւատում այդ ձեր ճակատագրին,
կրկնեց «խայ»-ն այս անգամ՝ աւելի կտրուկ, աւելի յան-
դուգն ձայնով, երբ տեսաւ իր վրայ ուղղւած արհամար-
հական հայեացքները, և ես ձեզ հէնց այս րոպէիս
կարող էի ցոյց տալ, որ իրաւունք ունեմ, բայց ափսոս
որ պիտի դուրս գնամ գիւղը շրջելու: Եւ նա վեր կա-
ցաւ, պատրաստելով դուրս գնալ:

— Մնա՛, մնա՛, «խայ», գոռացին մի քանի ձայներ՝ հե-
տաքրքրւած. ուէս, ասա թո՛ղ մնայ. հիմա գիւղը չթա-
լանեցին:

Ռէսի ցանկութեամբ «խայը» կրկին նստեց իր տեղը:
Ամէնքի հայեացքները դէպի նա դարձան, ամէնքը սպա-
սում էին, թէ ի՞նչ պիտի պատմի այս մարդը, որ այդ-
պէս յանդուգն յամառութեամբ արհամարհում է ճա-
կատագիրը:

— Էն տարին—այսպէս սկսեց «խայը»—տասը հոգի
էինք, տասը գժեր, տասը բոց ու կրակ ունէինք կրծ-
քերիս տակ, միատեսակ կրակ, միևնոյն կայծից բռնկւած,
որ վառում փոթոթում էր մեզ: Միատեսակ անվախ
սիրտ ունէինք, բայց ի՞նչ սիրտ. . . Դա ծո՛ղ էր, վշտերով
ալէկոծ, ամօթից կապտած, դա խարոյկ էր՝ վրէժով
վառւած. . . Ամիսներ էր, ինչ թափառում էինք չօրից՝ չօր,
սարից՝ սար, ձորից՝ ձոր. օձերի հետ էինք ջուր խմում,
քարէ անկողնի մէջ րոպէներով հանգիստ առնում: Դէ,
ի՞նչ անէինք. շատ երկար կուլ տւինք մեր անարգանքը.
համբերութիւններս ահագին էր, բայց մեր դուշմանի

անասունածութիւնը, նրա անսիրտ անամօթութիւնը ան-
սահման էր. էլ ապրել չէր լինում, հաց չկար, եղածն
էլ կուլ չէր գնում, թոյն ու լեղի էր դարձել. . . Մենք էլ
ամէն բան թողինք, տուն ու ընտանիք, մալ ու միւլք
և մեր պատւի թուք ու մուրը սրբելու համար մի մի
հրացան առանք, սարերն ընկանք: Այսպէս լաւ էր. . .
ազատ էինք. . . Օ՛, երբ մարդ այնպիսի ցաւեր ունի, ինչ-
պիսին մերն էր. երբ մարդու քոյրն ու մայրն է վիրա-
ւորւած, երբ զաւակն է սպանւած, երբ ծերունի հայրն
է անարկւած, — այն ժամանակ էլ աշխարհում ոչինչ
ոչի՛նչ չի կարող նրան մխիթարել. կուրծքը եռում է բոր-
բոքում է բոցերի մէջ. արցունքն անզօր է զովացնել
նրան. սփոփիչ խօսքերը ծաղր ու ծանակ են. . . Բայց երբ
մարդ սղմում է կրծքին հրացանի տաք փողը պի՛նդ,
պի՛նդ, երբ մարդ տեսնում է, թէ ինչպէս է նա մահ
որձկում արիւնապարտ թշնամու գլխին, այդ ժամանակ,
օ՛, միայն այդ ժամանակ՝ մարդու սիրտը հովանում է
հոգին հանգստանում, ամօթից էլ չի կարմրում երեսը,
զգում է, որ ինքն էլ մարդ է, փափախ ունի գլխին,
պատիւ ունի. . .

Քիւրդերն ու թիւրքերը մեղ ասում էին «Ֆէդայի»,
իսկ հայերն ասում էին «վրժառու ոգիներ»: Մեր առ-
ջևից սարսափն էր գնում, մեր յետևում մահն էր փռու-
ւում: Սարերի միակ տէրը մնացինք մենք ու արծիւները.
մի քիչ նման էլ էինք իրար. միատեսակ էինք յարձակ-
ւում մեր որսերի վրայ: Քանի տեղ հասանք, քանի
գազան թիւրքի ու քիւրդի զւելի մուրազը փորումը թո-
ղինք: Շատ անգամ մեզ փնտռում էին, բայց մենք
դարձել էինք աներեւոյթ դեւեր, ամէն տեղ էինք և ո՛չ
մի տեղ. Ֆէդայիին գտնելը հեշտ չէր, հանդիպելն էլ
զարհուրելի: Այսպէս էինք մենք, և սպասում էինք մեր
ճակատագրին. մենք հաւատում էինք նրան: Մի օր Սիմ
լեռան կատարին էինք, որ մեր պաշարը վերջացաւ. Ինձ
վիճակեց պաշարի գնալ. ես գիւղերը ճանաչում էի,
բայց չէ՛ն էին, թէ՛ աւերակ, բնակիչներ կային, թէ՛
գաղթել էին, — այդ ես չգիտէի. ինչ և լինէր պիտի գը-
նայի, ինչպէս լինէր պիտի պաշար ձարէի: Ես ցած իջայ
մեր որջից օրը ցերեկով առանց զէնքի, առանց նոյնիսկ
ձեռնափայտի. մտածում էի, թէ թշնամու չեմ պատա-
հի, եթէ պատահեմ էլ, անգէն լինելս գուցէ ինձ փրկի.
իսկ թէ չեմ փրկւի, երեւի ճակատագիրս այդպէս է: Եւ
այսպէս ես գնում էի. . . Բաւական ժամանակ շուրջս
մեռելութիւն էր, ոչ ոք չկար. առջևս մի սար էր, պէտք
էր բարձրանալ և ապա վար իջնել յաջորդ ձորը:
Բարձրացայ, հէնց կատարին առջևս ցցւեց մի քիւրդ,
մի համիդիէ ոտից գլուխ զինւած:

— Բարեւ, քիւրդ, ասացի ես անհոգ եղանակով:

— Բարեւ ֆլա՛, պատասխանեց քիւրդը, բայց չանցաւ
այլ կանգ առաւ՝ նայեց ինձ:

Ես կանգ չառայ, այլ առաջ անցայ, շարունակեցի
ճանապարհս. բայց զգում էի, որ քիւրդը տակաւին
կանգնած հետևում է ինձ հայեացքով: Ես չէի չտա-
պում՝ կասկածի առիթ չտալու համար:

— Հէ՛յ, ֆլա՛, կաց, կաց, լսեցի յանկարծ քիւրդի
ձայնը. յետ նայեցի, կանգ առայ: Ճակատագիրս է
մտածեցի ես. և ճիշդ որ՝ ճակատագիրը հէնց այս քիւրդի
կերպարանքը կարող էր ունենալ. հրացանն ուսին, կեռ
թուրը կողքին, սպիտակ փղոսկրէ կոթով մի դաշոյն գո-
տիկը խրած, դէմքը զգւելի, աչքերը կատաղի իսկ և

խել քաղցած գայլի աչքեր: Նա մօտեցաւ ինձ:

— Էս օրերում, էս տեղերում ոչ մի Ֆլա սիրտ չէր անի երևալ ասաց քիւրդը. դու բարի պտուղ չես երևում. ո՞վ էս, ո՞ւր էս գնում:

— Քիւրդ, ասացի, ժամանակները վատացել են, բայց մի՛ մոռացիր, որ մենք հարեաններ ենք. քեզ իբր հարեանի ասում եմ, որ ես խուժեցի եմ, մեր կողմերում սով է, այդ խօսմ գիտես. Գերջան եմ գնում երախաներիս համար մի քիչ հաց ճարեմ. թո՛ղ ինձ հանգիստ անցնեմ, գնամ:

— 2է՛, Ֆլա՛, խաբել չես կարող ինձ, դու բարի պտուղ չես:

— Քիւրդ, Աստած ունես, ինչպէս տեսնում ես՝ վերաս զէնք չունեմ, գրպանուս դանակ չկայ. թէ գազան էլ դառնամ, երկու ձեռքով ի՞նչ կարող եմ անել, աղաչում եմ քեզ, թո՛ղ անցնեմ, գնամ:

— Առաջ անցիր, քեզ գայմագամին պիտի տանեմ: Գայմագամին... այս արդէն սարսափելի էր, որովհետեւ մեզ վաղուց փնտռում էին:

— Քիւրդ, գայմագամին մի տար ինձ. թէ երանից իմ անձին վնաս չկայ, բայց կ'ուշանամ, երեխաներս մեղք են, սովից կը մեռնեն. Աստծու սիրուն, քիւրդ, բրա՛, քիրվա՛, թո՛ղ ինձ երթամ...

Քիւրդն անողորմ մնաց: Ծակատագիրս է, մտածեցի ես, և գլուխս քաշ արած, առաջ անցայ: Ի՞նչ կարող էի անել. ուժը նրանն էր, հրացանը՝ նրա ուսին էր, դաշոյնը՝ նրա գօտկումն էր, թուրը՝ նրա կողքին. ի՞նչ անէի երկու ձեռքով: Ծակատագիրս էր: Գնացիք:

Հուրջս ամէն բան գեղեցիկ էր. արեւը պայծառ, երկինքը պարզ, լեռները կանաչ, ծաղիկներն անուշահոտ, օդը թուզուններով լի, ամէն կողմ կեանք, խնդուածիւն: Վերե՛, շատ վերե՛, օդի մէջ ճախրում էր մի արագիլ, ազատ, համարձակ. ես, չգիտեմ ինչու, իմ վիճակի բոլոր սարսափը մոռացած, նայում էի այդ թռչնին, անթարթ, երկաթ: Նախանձում էի արդեօք, թէ ուրիշ մի բան կար, որ գրաւում էր ինձ, ես այդ չգիտէի, բայց նայում էի: Երկար ճախրում էր արագիլը. մէկ էլ յանկարծ սկսեց պտոյտներ անելով դէպի վար իջնել և շեշտակի թափով ձգեց իրեն մեզանից շատ մօտիկ մի բլրի վրայ: Ես հետեւում էի. այնտեղ մի մեծ օձ կար, որին նշմարել էր արագիլը: Թռչնի թռիչքի շփոթից սողունը կծկեց, գլուխը թագցրեց մարմնի օղակների տակ: Սկսեց մի սարսափելի կռիւ: Մենք երկսով էլ կանգ առանք:

— Տեսնում ես, ասաց քիւրդը, Ֆլան որ կայ՝ օձ է, այսպէս պէտք է ջախջախել նրան:

Ես պատասխան չունէի. ես դիտում էի: Արագիլն իջնում էր, կտցով հարեւում օձին և վրայից անցնում. այդ ժամանակից օգտւելով՝ օձն աշխատում էր փախչել. բայց հազիւ մի քանի օղակ արած, սարսափելի թշնամին սաւառնում էր նրա գլխին, օձը կրկին կըձկւում էր, կրկին ծածկում իր գլուխը: Իրաւունք ունէր քիւրդը. իմ և օձի վիճակի մէջ մեծ նմանութիւն կար: Օձի էլ ճակատագիրը հասել է, էլ փրկութիւն չունի, մտածեցի ես: Այս միտքը նոյնիսկ ինձ մի փոքր մխիթարում էր: Կամաց կամաց արագիլն աւելի յանդգնեցաւ, հարեւաններն աւելի յաճախ և մահացու դարձան. վերջիվերջոյ օձին արդէն բաւական թուլացած համարելով՝ նա ցած իջաւ նրա կողքին և արդէն շուր-

ջը քայլելով երկար կտցով վերջին հարեւաններն էր տալիս: Օձը շարունակում էր գլուխը թագցրած պահել, շարունակում էր ըստ երեւոյթին թոյլ թոյլ պաշտպանել: Արագիլը խիստ մօտ էր նրան այժմ: Մէկ էլ յանկարծ մի զարմանալի բան պատահեց: Այդ կիսամեռ սողունը վերջին ճիգերը հաւաքեց, դուրս հանեց գլուխը, բացեց իր օղակները, պոչի վրայ ցցեց, ձգեց ինչպէս մի խաբազան և մահացու օղակներով արագիլի երկար վզին փաթաթեց: Իզուր անցան արագիլի բոլոր ջանքերը դուրս կորզելու իր վիզը այդ մահաբեր օղակներից. նա թռչելով թափիթափ էր տալիս, կտուցը գետնին քսում, յետ յետ էր քաշւում, առաջ անցնում, գետնին թաւալում, փորձում էր վեր բարձրանալ. թռչել, փախչել — ապարդիւն ջանքեր... Օձի յուսահատ կատաղութիւնը զարհուրելի էր. նրա օղակները սղմում էին ու սղմում, և վերջիվերջոյ թռչունը փուլեց բլրի կրճքին անկենդան... Օձը քաշեց, անյայտացաւ:

Քիւրդը լուռ էր այժմ: Նա ինձ նայեց: Մեր աչքերն իրար հանդիպեցան և մի քանի վայրկեան մենք անկարող եղանք հեռացնել իրարից մեր հայեացքները: Մեզանից իւրաքանչիւրն աշխատում էր հասկանալ, թէ ի՞նչ է մտածում իր հակառակորդը այդ րոպէին: Ո՛չ մի կասկած չկար, որ երկսիս գանգերի մէջ եռացող մտքերն էլ միմեանց վերաբերմամբ ահաւոր էին: Այդ մենք հասկանում էինք, կարդում էինք իրար աչքերում փոխադարձաբար. չէ՞ որ աչքերը մտքի ակամայ դաւաճաններն են: Ես հասկացայ, որ այդ գաղանը՝ օձի անակալ յաղթանակով կատաղած, որոշել է ինձ սպանել. ի՞նչ ասել է քիւրդի համար մի հայ սպանել՝ անցնել: Այդ ես շատ լաւ կարգացի նրա աչքերում, որոնց արտայայտութիւնը այժմ՝ աւելի չարագուշակ էր. օ՛, ես ճանաչում էի քիւրդի աչքերը: Բայց ես էլ էի մտածում: Օձի և արագիլի կռիւը իմ մէջ էլ մի փոփոխութիւն առաջ բերեց: Ես դեռ երբեք չէի լսել թէ օձը արագիլին կարող է խեղդել. յայտնի էր որ արագիլն է օձի մահաբեր թշնամին, նրա մարմնացած ճակատագիրը. այդ ի՞նչպէս պատահեց, որ այսօր սյդ ճակատագիրը սխալ դուրս եկաւ: Աստուած, որ չի թոյլ տալիս, որ օձի նման զգուշ սողունն անգամ անարդար զոհ դառնայ արագիլին, նոյն Աստածը մի՞թէ պիտի թոյլ տայ որ այս քիւրդը, օձից տասն անգամ զգուշի այս արարածը՝ իմ ճակատագիրը տնօրինի: 2է՛, ճակատագիրը սխալ է, մտածեցի ես... պիտի ճար տեսնել:

Եւ ես սկսեցի մտածել, երկաթ, երկաթ... Հնարք էի փնտռում. բայց ի՞նչ հնարք. գոնէ մի դանակ էլ չունէի: Այդ րոպէին աչքս ընկաւ քիւրդի այն սիրուն դաշոյնին, որ խրել էր իր գօտին... — Ա՛խ, գոնէ այն իմ ձեռքում լինէր, միայն այն:

— Գնա՛, որոտաց քիւրդը. ի՞նչ ես կանգնել: Ես շարժեցի. մենք մտանք մի ձոր, խուլ, ամայի ձոր: Քիւրդն սկսեց իր շուրջը նայել. նրա շարժումներն անհանգիստ էին. երեւի չարագործն էլ իր անմեղ զոհի առաջ վճռական րոպէին գէթ մի փոքր դողալ գիտէ: Նա յաճախակի ցած էր առնում հրացանն ուսից, կըրկին ուն էր ձգում: Ես զգացի, որ մօտ է վախճանս, բայց ես այլեւ չէի ուզում մեռնել. երբ օձն ապրելու իրաւունք ունի, մարդը, այն էլ հայ-քրիստոնեան՝ չի կացրող այդ իրաւունքից զրկւած լինել: Ես կամաց-կամաքայլերս նւագեցրի: Ես անելիք ունէի. ինձ համար ան-

հրաժեշտ էր, որ քիւրդի առջեւ չլինեմ: դա վտանգաւոր էր:

— Հո՛ւտ, շուտ գնա՛, շտապեցնում էր քիւրդը: Նա աշխատում էր անդադար, որ ես իր առջեւ լինեմ: այդ նա գիտէի. իսկ ես աշխատում էի նրա հետ հաւասար դժով ընթանալ:

Կարծես թէ մենք հասկանում էինք իրար. մենք լուռ կուռում էինք. կեանքի մահու կուռ, որ ահաւոր էր մանաւանդ իր դաւաճան խորհրդաւորութեամբ...

Ես կանգ առայ յանկարծ. պէտք էր սրեխիս թելը պնդացնել: Քիւրդը հասաւ ինձ, կանգ առաւ: Ես առանց գլուխս բարձրացնելու վարից դիտեցի նրա դիրքը: Նա իմ աջ կողմումն էր ցցւած. դաշոյնի սպիտակ կոթը երևում էր գօտկի միջից:

— Հո՛ւտ արա՛, պրծի, ֆլա՛, կոչեց նա զայրացած, տեսնելով իմ դանդաղութիւնը:

Ես յանկարծ գլուխս բարձրացրի. քրդի գօտկից վայրկենապէս դուրս քաշեցի դաշոյնը, և մինչև որ նա ապշած ու սարսափած պաշտպանւելու որ և է փորձ կ'անէր, փայլուն դաշոյնը մինչև կոթը ահագին թափով նրա կուրծքը մխեցի: Վայրենին ոռնաց և գետին գլորւեց...

Ես փրկւած էի: Ահա այն փրկարար դաշոյնը... «Խայր» դուրս քաշեց իր գօտուց մի փղոսկրէ կոթով դաշոյն ու դրեց բազմականների առաջ: Ծրագիտաւ փայլուն պողպատը պաղ պաղ փայլ էր արձակում: Ամենքը ծնկների վրայ ընկած, լուռ դիտում էին այդ ահաւոր դուրծիքը, որ մարդկային անգոր ձեռներում լուծել էր ճակատագրի բարդ հանգույցը: Փոքրիկ, կորած, ողորմելի «խայր» հսկայ դարձաւ ամենքի աչքին. նա «ափափահ» էր, որ իշխում էր իր ճակատագրի վրայ, որ ծաղրում էր իր բախտը: Նա իրաւունք ունէր:

— Ես ճակատագրին չեմ հաւատում, կրկնեց այս անգամ «խայր» վեհ յամառութեամբ. բայց այդ բառերն այս անգամ ծիծաղ ու զայրոյթ չառաջացրին, այլ պատկառանք և մտքեր, մտքեր, փրկարար մտքեր, ազատիչ մտքեր, սրբազան խորհուրդներ:

— «Խայր» վերցրեց իր դաշոյնը, գօտիկը խրեց, դուրս գնաց գոմի դռնից, բազմականները մնացին լուռ...

Դրսում քամին շարունակում էր ոռնալ բայց նա այլևս չէր խօսում ճակատագրի հզոր ուժից: Քամու բազմազան աղաղակների մէջ մարդիկ այժմ որոշում էին ձայներ, որոնք անվերջ «վրէժ, վրէժ» էին աղաղակում...

ՂԱՐԻՐ.

Մ Ա Հ Գ Ո Յ Ժ

ՄԱՐԳԻՍ ԹՈՒՆՍՄԱՆՆԱՆ (Քաշունի, Ապրո) անողորմ հիւանդութենէ մը կը մեռնի, 1898 Նոյեմբեր 20-ին (հ. տ.) 38 տարեկան հասակին մէջ:

Ինչիկ չճշկածակցի, պաշտօն վարած է Տրապիզոնի համալսարանի վարժարանին մէջ եւ հոն ստացած է իր ընկերակիցներուն «Քաշունի» մականորդ, որ ժողովրդական դարձած էր:

Հաստատուելով քաղաքին մէջ, ինք տարի անընդհատ գործած է յեղափոխական ասպարէզին վրայ: Երբեմն անդամ էր Հնչակեան Կուսակցութեան տեղական մասնաճիւղին վարչութեան, իսկ ետքը, երբ Դաշնակցութիւնը մուտք գործեց հոն, տեղին նորակազմ Կոմիտէին առաջին անդամը եղաւ:

Ուղղամտութիւն եւ պարտաճանաչութիւն իր քնաւորութեան յատկանշներն եղած են:

Ն Ի Ի Ր Ա Տ Ի Ո Ի Թ Ի Ի Ն

ԽՍՐԱԳՐՈՒԹԻՒՆՆ ՍՈՒՅԱԾ Է՝

Ա.-էն 1 Քրանք, — 2. քաղաքէն Մ. խ. 20 Քրանք, — Կրայ-օվայէն 29 Քրանք հետեւեալ անձներէն՝ Պ. Փ., Մ. Մանուէլ Մ. Ս. 5-ական, Ս. Վ., 8. Ա. (Դարան) 3-ական, Լէֆթէր, Կ. Յակոբ, Թ. Մ., Ա. Պ. 2-ական, — Յիւրիսէն Ժաշը 5 Քրանք, — Միացեալ Նահանգներու Լօրէնսի Կոմիտէին եւ քանի մը համակրներու կողմէն 22 դօլար 4 սէնթ:

ՈՍԿԵՂԱՆՔԻ ԿՈՄԻՏԷՆ՝

Որոտում խ. (Նոյ. 98 — յունւար 99) 60 դահեկան, Արին խ. 5, Շանթ խ. 7, Կարկուտ 10: — ԱՐՇԱԿԱՆՆԵՆ՝ Հայաստանցի եւ Երկեղած խումբեր (Նւէր ու ամսավճար) 75, Հայաստանցի խմբէն Անճաղոյ 70, Երկեղած խ. 30, Փիլիպպոս 10: — ՍԵՒ-ԲԵՐԴՅԱՆ՝ Հ. (Հ. Ս. Կ.) 3 օսմանեան ոսկի (միամիսյ վճար 1899-ի): Համագումար 591 դահեկան:

ՆԱԽԱՅԱՆԳՍՈՒ ԿՈՄԻՏԷՆ՝

Աւտոիքի զուտ հասոյթից ստացւած բաժին 188 ուրլի 73 կօպէկ, Աղբիւր օգնական 51, Մ. Փ. 5, Ա. Ա. 1: — ԿԱՐՄԻՐ քաղաքից՝ Չիթախ 50, Դրիգոր Ա. 5: — ԳԱՂԹԱՎԱՅՐ-ԻՅ՝ Նոր զիւղի Ծօծարակամ խ. 10, Յարութիւն 2: — ԿԼՈՐԻԿ-ԻՅ՝ Թիւրք-մէն 100: Դումար 412 ուրլի 73 կօպէկ:

Ռ 8-ով հանգանակւած՝ Ոմ 15 ուրլի, Մի Ոմ 10, Փոքրիկ 10, Հալալատէ 10, Համազանք 12 ու 50 կ., Ռ 30՝ 5. 50, Նազարեանց 3, Արուսեակ 2, Ռ 22՝ 1. 50, Դարա-գոշ 1: Դումար 70 ուրլի 50 կօպէկ:

ԱԽԱՐԱՅՐ-Ի «Պետո» խմբի յունւար ամսավճարը 12 ուրլի, ՎԱԶԳԷՆ լիսնաճիւղից 36, ՋՐԱՇԷՆ-Ի կանանց «Անահիտ» մասնաճիւղից 43 եւ 119, Շառախի խմբից պատկերների վաճառումից 12, Ծանապարհորդից 5: Դումար 227 ուրլի:

ԿՈՅՍ քաղաքի «Հզայուն» խմբից 1898-ի հոկտ. Նոյ. դեկտ. ամսավճարները՝ Աշեմօլ առաջին 25 ուրլի, Վարդ 9, Արամ 6, Աշեմօլ երկրորդ 5, Արաք, Երկաթ, Արաք, Արաք, Վաղարշակ, Հոյն, Արդարատ, Ժաղիկ, Ախուրեան, Արարատ, Բաւի 3-ական, Հայեր 4 ու 50 կ., Մայրաքաղաք եւ Աստուածաշէն 3, Սիգար եւ Խօջաբէկ 2, Յաղութիւն խոտրընթից 5: Դումար 92 ուրլի 50 կօպէկ:

ԱՄԱՐԱՆՈՑ-Ի «Մահ» խմբից՝ ամսավճարներ 25 ուրլի, Նիքատուրիւն «Դոնթ» բժշկի միջոցով վարաճումնի, Վանեցի, Արաք, Արթուր, Աւագ Սահակեան 2-ական, Բաշ Վարդան 1 ու 50 կ., Վիշապ, Երիտասարդ, Ազատէր, Աւագ Խնձորիկցի, Աւագ, Վարդան, Դանիէլ, Յոյակ, ՄԷԼԻ, Ռշտունի, Աշղ, Յամա, Պապոյեան, Թադօս, Ներսէս ՄԷԼԻԿ ու, Մաղաք, Փելիկ, Արմատ, Բէլէշօկ, Առիւծ 50-ական կօպէկ: Դումար 54 ուրլի: ՀԱՄԱԳՈՒՄԱՐ 866 ուրլի 73 կօպէկ:

ԲԱԿԱՆԵԱՆ ԿԵԴՐ. ԿՈՄԻՏԷՆ՝

ՄԱԿԷԹՕՆ Կոմիտէին Հայկական «Շաքէ» ընկ. (յուլիսէն հոկ.) 85 լւ, Նոյն ընկ. (Նոյ. դեկ.) 70, Նոյն ընկ. անցեալ տարիէն 3, խաղի տուգանքէ 80 սանթիւ, երկու բժիշկներէ 9. 50, Թորգոմեան խումբ (օգոստ.-էն դեկ.) 16, Նոյն խ. վիճակահանութենէ 29, Բաքիէն-Սիւնի խումբ (օգոստ.-էն դեկ.) 57, Արեւելեան խումբ (հոկտ.-էն դեկ.) 48. 50: — ՀԱՍԹՈՎՈ-Ի Փուշիկ խումբ 9. 50, Ոմ պօլսեցի 1, խ. Մ. 1, Ոմ 1. 50, Պարոյր 1. 50, Վահան 2, Բաշ 2, Ռ. Թ. 2, Մ. Բ. 1. 50, Ա. Բ. 1, Մ. Ի. 1, Պ. 3. 50 սանթիւ, Ս. Ի. 1, Ապրո 1. 50, Վարժապետ 3. 50, — Զօրք 5, Սիւլեմ ծերունի 5: Դումար 358 լւ 30 սանթիւ:

ՀՈՎԻՑ Կոմիտէին Փետուր խմբի ամսականներէ (ապրիլէն հոկտեմբ.) 42 լւ, Փետուր խմբի զանաւանակէն 4. 50, Բլուր քաղաքի Փետուր խմբէն 42, — ՍՕՓԻԱ քաղաքի Կոմիտէին Բիւզանդ, Վահրամ, Վաղարշակ, Վահէ, Արաք, Աշոտ 6, Սիրապառ խումբի մարտ ամսականները 10, Սարգիս Թօթօսեմէն 10: Դումար 114 լւ 50 սանթիւ:

ԿԱՅԻՐԵԻ ԿՈՄԻՏԷՆ՝

Ոռնցք խ., Դեղամ 20-ական դահեկան, Արաք, Արարատ, Հայկազ, Կայծակ, Հայկազ Մ.-ի ծնումը, Պերթ, Զերմուկ, Բիքալ 10-ական, Ժըլըլիկ 5 եւ 5: Դումար 130 դահեկան:

Խմբագրութեան գիմէ Հետեւեալ հասցեով՝
Rédaction du Droschak, Genève (Suisse)